



風陵文庫  
文庫19  
F 41  
2



南宋襟事詩

錢唐吳焯尺鳧

艮嶽曾經號鳳皇東京特地擬餘杭奇亭巧石神霄夢

月上俄聞唱海棠

雲麓漫鈔政和五年命內官梁師成築山於景龍門側象餘杭之鳳皇山遂賜名鳳皇後神降有艮嶽排空霄之語又名艮嶽今臨安府大內麗正門之正面即茲山也 艮嶽記介亭最高於諸山前列巨石凡三丈許號排衙石案介亭排衙石俱在鳳皇山側宋之都杭有先兆矣 雲麓漫鈔艮嶽廟內禪幸淮浙嘗作小詞名月上海棠末云孟波且與我做些方便其意指風竟成孟太后識 華陽宮記事艮嶽有飛來塔

靖康字識啟金微名罩黃羅局上飛誰道漢家兵制闕

陰符蚤已著神機

鐵圍山叢談靖康政元中書擬進年號取日靖四方永康兆民請號年曰靖康其文為十二月立康也後一年康王中興 此符見聞錄黃羅書康王二字從北行時太后未知即位嘗用象戲局于裏以黃羅書康王二字貼將上禱曰令三十子俱擲於局若康王字入九宮者必得天位一擲其

將果入九宮補漢兵志宗正少卿錢文子以班史無兵志因而補之蓋有慨乎南渡後兵食冗濫而富平符離之役棄師累十萬莫正其罪假漢兵志以寓意焉神機制敵太白陰經南宋內府鈔本兵家之要典也凡十卷未有寫勘監收等名

更鑄新銘帝命宣儒臣皇祐有遺編洛鍾不響土圭冷

太史頻煩測會天

建炎以來朝野雜記紹興十六年鑄景鍾高九尺天子親祠上帝則用之以皇祐黍尺為準於是上命秦檜銘之曰德純懿兮舜文似躋壽域兮孰內外薦上帝兮偉茲器聲氣應兮用久視貽子孫兮彌萬世皇祐新樂圖記仁宗皇祐二年阮逸胡瑗等奉詔修凡三卷十二篇會天曆寶祐四年荆執禮等算造南渡以後自統元至會天曆名凡七改是歲在丙辰元日立春因定是名學士尤焯被命製序具註頒行

我好來朝即便留行都不改舊杭州歌聲隱隱江湖上  
虹氣分明杰斗牛

思陵錄高宗生時徽宗夢吳越錢王引上衣云我好來朝便欲留我終須還我山河淳熙十四年宰執奏事延和殿上因論高宗謚法語及此事案此稱錢王指傲也舊志謂是武肅皆祖洪邁之說 吳越世家疑辯李琪武肅王碑江湖之上棹有歌聲斗牛之間獄無冤氣

歲幣年年訝許同紅蠶南國號靈蟲巧機花匠休離手

柿蒂原充職貢中

蓉塘詩話樂天詩紅袖織綾誇柿蒂柿蒂綾紋也 夢梁錄杭產綾曰柿蒂狗脚後人改為柿葉者妄也 元豐九域志杭貢綾三十四匹 立陵學山有黃省曾蠶經一卷言杭地蠶事最詳

欲負龍歸計太貪鸞聲先報下江南柳林一議驅俘馘

誓不尋盟死不甘

北窗炙輠宇文虛中始陷於金後仕為國師遂得其柄令南北講和太后之歸資其力也後欲挾淵聖以歸為人告變論死 迎鑾七賦太尉曹勛墨跡勛自奉還徽宗梓宮及辛未太后乃作迎鑾七賦題分為七寶真止一篇其裔世居海鹽保有此卷後歸花山馬氏余得見之 脚氣集金諸大臣會於黑龍江柳林議遣秦檜歸國言彼得志吾事可濟檜至計果得行廢殺諸將而南北之勢定金無德之誓書中必有不輕易相語而檜亦發宇文虛中事以報之此金人自言之見於金國南遷錄

不裹冠巾女聖人雕弧那羨十流銀更饒艷思輕紅句

粉浣香梳十指春

四朝聞見錄高宗憲聖吳后侍高宗航海金騎碎至欲擊御舟后發一矢應弦而倒高宗重於視師后奏曰若臣妾裹尺五阜紗須一往矣孤矢譜有蹻蹻弩最為利害張憲巾林之伏張浚射狐關之捷皆用此弩制勝此書不著撰人紹興間曾進御者 韵石齋筆談憲聖能詩題徐熙牡丹云吉祥亭下萬千枝看盡將開欲落時却是雙紅深有意故留春色緩人思題芍藥云穠李天桃掃地無眼明驚見玉盤盃揚州試識春風面看盡羣花總不如

日日攻書腕骨靈清江白鹿拓朱檀鈎金不獨松門字  
先飾涪翁戒石銘

書學字纂要高宗在內殿作書日有程課 至正直記宋紙有單鈔清江名曰白鹿乃龍虎山寫錄之紙又曰白錄 四朝聞見錄紹興二年六月頌黃庭堅戒石銘於郡縣亦用金書不獨飾吳說九里松字也 咸淳臨安志九里松一字門亦曰松門  
亂似羣雅腫似豬聯綿新體果何如銀漿蠲紙沙錐利  
好趁游絲一筆書

山岳英靈久不磨虎兒談律繼梁羅子瞻風采人門重  
豈獨斜川號小坡

書苑菁華吳說傅朋出已意作游絲書世謂前代無有趙與時云唐書呂向能一筆環寫百字若紫髮然號聯綿書即此體 朝野類要臨安有瓊紙者澤以粉漿使之堅滑謂之蠲紙 太倉稊米集題吳傅朋游絲書聊將畫沙錐幻出蟲網癖

愛他鈎勒與橫歌恨不生同黃米時繡幄裁成翰墨志  
一規明月下宮墀

曲洧舊聞李薦方叔祭坡公文皇天后土鑒平生忠義之心名山大川還千古英靈之氣 小字錄蘇子由于遲小名梁适小名羅遠小名虎兒東坡詩高談付梁羅詩律到阿虎案思官成忠郎祕書省搜訪北宋未人 朝野雜記高宗雅敬蘇文忠止稱子瞻或稱東坡 浮溪集蘇軾孫符改宣教郎勅有云賈生明王道漢錄賈嘉之能魏公進忠規唐表魏謨之烈人門並用今古所同其振爾之家聲以待予之器使 文湖州竹派坡公詩老可能為竹寫正小坡解與竹傳神小坡蘇過也有斜川集

筆塵山谷書善用鈎勒米家父子得橫歌執 後村題跋光堯喜書畫自恨不與黃太史米南宮同時 高宗翰墨志一卷今見於王氏書

苑者全凡二十六條有自序 養蒙集思陵金書扇詩超然塵外萬緣  
空得失何須問塞翁鉤畫尚留奎壁潤歛歸明月一規中  
錢源雲雲接龍溪才過橫坑二水齊白日陰崖叫鷓鴣  
野花開遍刺棠梨

雲麓湯鈔靈隱寺東西瀆二水東龍源橫過寺前即龍溪冷泉亭在其  
上西曰錢源二水合出橫坑橋案龍溪龍源宋時之名今志所無

絕品銘心未肯降翰林花月醉春江清明不見河中景  
湖上空聞戲綵艫

向氏圖畫記翰林張擇端善畫城郭舟車人物其所作清明上河圖西  
湖爭標圖二圖紹興中入內府並遷入神品

龍衮遙升啓虎關奉常官立最先班宣和雅樂如何補  
知在先皇指節間

夢梁錄明裡詩龍衮初升殿陞階奉天酌祖歲皇儀虎關夕啓成來熙  
從坐紛綸衛百祇 雲麓湯鈔紹興十六季禮器局造祭器用博古圖  
雅樂用大晟府制度大晟樂之景鍾當時用徽宗指三節為三寸蓋宗寧  
四年所鑄者是也 樂府雅詞首冠調笑絕句云是九重傳出此大晟

樂之遺音

枉被人稱紫府仙原芝怎不究先天君王雅愛通經士  
圖畫龜龍進巨編

四朝聞見錄張孝詳精於翰墨人稱紫府仙惜其與南軒諸人為友而不  
能續伊洛之統 于湖居士集紹興二十四年芝產太廟前極張孝詳作  
原芝文推行符瑞之說 周易經傳集解福清林黃中著凡三十六卷  
淳熙十二季進御降詔褒美案此書精研諷貫弟以其曾糾朱子學者  
非其人而黃勉齋集祭黃中文有云玩義經之文象究筆削於獲麟立  
朝正色雖當世大儒或見攢斥著書立說雖前賢篤論不樂因循然  
則朱門高弟稱許亦至矣徐尚書開雕經解此書不入或亦以朱子故與

亭深喬木貯張禮直上彤庭認筆蹤不似韓家失機表  
勸君餘暇誦車攻

魏源集張忠烈王開國於循而置邸於杭所居之坊曰清河有喬木亭在  
焉因為之記 雪履齋筆記張俊有愛姬乃錢唐妓張禮頗涉書史拓  
皇之後俊發書囑以家事禮引霍去病趙雲事以堅其心後以其書繳  
奏上親書獎諭張韓皆中興名將皆有奇女子又皆出微賤亦奇矣

中興編季約興五年上書車攻詩以賜輔臣曰當與卿等勉勵以修政事

松花如粟布前除嶺脊猶傳古宅徐一笑湖西梅處士  
茂陵書去野亭虛

北窗炙理 蘇唐兩處士林和清居孤山徐冲晦居萬松嶺夾湖相望徐之孫恆猶守故廬語人曰先祖有言子孫世世勿離錢唐永無兵燹徐精數學也案先生名與賜號冲晦

金鈴獵獵降香回佛跡多憑梵夾開不信香山老尊宿  
玉顏花貌坐蓮臺

朝野類要內宮有祈禱賜香於天竺大士五百羅漢名記宋時記江陰軍乾明院羅漢名號案淨慈寺亦有五百聖像曲助為記特以名不著於梵夾此名号不知何所本淳熙三山志懷安大中寺有八百羅漢像是不止五百也 曲有舊聞蔣穎叔用香山僧懷畫之請取唐律師弟子義常所書大悲之事云國社王不知是何國王有二女幼者多抄善施于眼救父此與楞嚴經及大悲觀音等經頗相失華嚴云善度城居士鞞瑟毗羅頌大悲為猛勇丈夫今香山乃大悲成道之地謂是生王宮以女子身顯化考古德翻經所傳者絕不相合不知穎叔何意而粉飾之以猛勇丈

夫易為女子也

赤岸前頭杰羽驅平江供遞五千夫龍茶宣賜無箋表  
蚤駕冰箴過鼎湖

雲麓湯鈔金國每年賀正且使平江排辦司供役凡五千三百十四人 武林舊事北使到關先遣中使至班荆館宣賜龍茶香合 費耳錄道君北狩凡金人有賜賚必索一謝表 雲麓湯鈔賀正多值冰雪有司作浮筏前用巨確擣冰謂之冰箴以迎北使

雄關入界三千里上國于京六十程累葉統傳分歲月  
兩家書在記和盟

大金國志自臨安府餘杭門起至雄州舊界口凡三千二百七十里又自雄州起至金之上京會寧府凡二千七百五十里通計六千零二十里 荆源集天台潘可大哀宋自建炎丁未迄德祐庚子金自天輔戊戌迄天興甲午撥提綱要各為南北紀年 三朝北盟會編宋朝散大夫清江徐夢莘老撰案此書分三編上宣政中靖康下災興靖康以後採諸家卷紀二百六十餘種最為詳洽總二百五十卷後又有集補五十卷未見

早聞玉盃出塵闌更設淘沙最慘顏不計本根江乘壘

空教保護劍門山

劉豫事跡豫見兵士賈玉盤疑非民間物鞠之果出山陵中金人發掘時得之豫遂置河南淘沙官發掘諸陵括取棺中水銀等物上代陵寢及民間塚墓無有免者案北宋發陵起於金人總於逆豫惜其時無冬青引後人不復傳述耳考王恽秋澗集載豫祖塋在阜城縣元時尚稱御苻石馬存焉天道固難問矣東南防守利便有建康根本論景定建康志白下本江乘之白石壘玉牒初草嘉定中詔臨安府北山門嶺毋得伐石以張齊賢論其洩山川之氣故也案栖霞嶺又名劍門嶺

才罷三益丞相嘆想夫憐曲有前因從今閣下乘龍聳  
莫解金刀與別人

雲麓漫鈔秦相十客郭知運逐客吳益嬌客郭臨安人登科以少俊選為孫婿秦每夕必留三益郭多夜出秦嘗以佩刀分遺諸婿郭獨失秦怒會夜出令門者勿納遂罷郭吳宜興人以門蔭遂令繼郭為姻改秩為臨安倅秦妻罷之

兒家不繫守宮砂曾拊金枝綴玉葩細馬盤馱成隊去  
傷心猶奏後庭花

蘆浦筆記資政王復守徐州與子伯均死靖康之難和議成上憫其忠令伯諸女入禁中命宮嬪養之凡十餘年一日曝書內庭上見囊封有忠烈二字亟取閱乃王氏女入內事即日召見賜金幣敕命遣嫁歸潛志宋宗室家姬流落於金吳彥高詞云南朝千古傷心事猶唱後庭花

天上何曾下玉棺人間偷把淚珠彈可知故鬼依新鬼  
柘室前頭已奉安

中興編年紹興三十一年八月淵聖凶問至詔臣民發哀成服廟號欽宗遙稱徽陵明年閏二月柎木主於太廟案咸淳臨安志紹興四年命守臣梁汝嘉建太廟於瑞石山左以奉列主後又設配享功臣位于橫街南西湖志謂太廟獨缺欽宗不祀考欽宗廟詳於宋史書下詔議配享功臣廷臣謂欽宗在位不久無可當配享者故缺焉咸淳志記配享諸臣名列宗之下因無欽宗田誤讀此志耳高宗不復父兄千古議之乃責其不祀欽宗冒昧一言遂啓後來罔諉不可不辨

漢祖關前兵有壘劉伶臺下酒如池閉關頌酒斯何意  
知是風流女畫師

志雅堂雜鈔李伯時盧鴻州堂圖曾收入高廟劉娘子位者有奉華大小二印又有閉關頌酒之裔一印此劉家事然以婦人用之恐不類也畫

法年紀劉妃工畫人物

規模不定事遂巡和福寧須怨相秦可恨將軍無死地

荒郊一窳賈宜人

識遺紹興中張燾上言曰一紀之間命相十四執政遽遷無慮二十人宜其和戰紛紛迄無成功故燾直謂規模不定也知稼翁集解試以和戎國之福發策南宋相眼詔臨安府訪求岳將軍尸其墳在錢唐門外當時私號賈宜人墳

鄴郎金陀著錄成桃溪難認手題名未詳斬國爭三字

猶賴文昌傳一生

玉楮集岳珂封鄴侯進紀恩詩岳珂著金陀粹編二十八卷續編三十卷述家王之事取詳雲麓漫鈔宜興張渚張氏圍臨水號桃溪岳侯曾館其家題名廳事云近中原板蕩金人長驅如入無人之境將帥無能不及長城之壯余發憤河朔起自相臺總髮從軍大小二百餘戰雖不一舉而復今且收兵養卒以待如或朝廷見念賜予器甲使之完備預降功賞使人蒙恩即當深入邊庭迎二聖復還京師取故地再上版籍他時過此勤功金石豈不快哉此心一發天地知之知我者知之建炎四年

六月河朔岳飛書岳陷罪其家洗去隱隱猶見案此篇見於粹編者作五岳祠盟記家數語故拈出之宰輔編年錄岳鄂王獄具奏檜言岳雲與張憲書其事體必須有斬王爭曰必須有三字何以使人甘心案此三字與中興紀事本末同今皆作莫須有恐不若紀事之得其實也金陀粹編珂自序先王勲在王家名在國史遺跡之存者文昌章公傳而上之朝案珂忠武之孫敷文閣待制霖之子

圭田新錫奉烝嘗無復東家舊講堂天水兒孫幾輩輩

風煙隔斷柳林莊

朝野雜記中興後衍聖公孔珪奔至行在上以孔子林廟隔絕特賜衢州田以奉祠事東家襟記先聖四十七代孫孔傳編首列杏壇圖說清波別志國家上世陵寢在保州保塞縣東三十里御莊在焉號柳林莊

孔門弟子自清羸髣髴更舊表儀為有龍眠傳搨本

可曾新樣畫淳熙

咸淳臨安志淳熙四年建石經閣遂新兩學議者以廟中諸賢舊像無福厚氣象遂令改塑其舊像遷於首善閣李龍眠有孔門弟子畫像刻於石藏石經閣



嶧雨鳧雲天際昏誰從配食憶魚門七篇幸不亡金鏡  
敕付東朝細討論

朝野襟記兗州鄒縣有孟子廟政和中詔以樂正子克配享并從祀公孫丑萬童浩生不害孟仲子陳臻克虞屋廬連徐辟陳代彭更公都子咸丘蒙高子桃應盆成括季孫子叔渡江後鄒魯隔絕孔廟既立而孟獨無行在諸賢宜留意也 名勝志魚門古鄒城也 東宮備覽請康時侍御史胡舜陟上言以中書舍人朝說之乞令皇太子講諸經而廢孟子竊謂孟軻氏發明聖道豈可以為百家而黜之使皇太子不聞七篇之義今請東宮官進講仍舊制用孟子

伐鼓淵淵揮扇同巧思射覆女郎中後來傳得千文虎  
字畫分離謔謎工

賓退錄都下擊鼓射字之伎全用切韻法談以兩詩詩皆七言全用支齊有字無反以應鼓節亦有揮摺扇同是一法 武林舊事諸色伎藝人射覆有女郎中 七修續彙余有一敗帙惟序可讀乃勝國謎社之書名曰千文虎

野雲戲罷擲金錢擊撲爭傳冷節前聞道十家春繡倦

不扶綵索上秋千

雲麓漫鈔歲將除都人相率為儺俚語謂之打野狐亦呼野雲戲 又擊撲食物法有禁令凡元正冬至寒食三節京尹出榜放三日或以數十笏銀或以樂藝女人為一擲其他百物無不然 孝宗儉德記宮中無秋千之戲

父子唐虞有憲章外山宮闕可相望紛披玉檢勞雙隻  
曾悔中書去一綱

蕭臺公餘詞薰風解愠手握乾符躬揖遜廊廟無為天子親傳萬歲卮恩覃湛露和氣歡聲均海宇嵩岳三呼父子唐虞千古無 松隱集德壽宮春帖子曉來簾幙捲東風尚有春寒下綺櫺德滿人間和氣浹外山宮殿瑞雲中 玉牒初州李安行奏寧宗曰陛下雙隻皆視朝而延訪之時不及雙隻猶言雙日單日 玉笥集咏史有一綱謠為李忠定作也

鈞容法部幾班頭半是吳歛半楚咻誰解綠腰花十八  
但教小令整歌喉

朝野類要教坊之名唐時屬太常本朝增東西兩教坊又別有化成殿鈞容班中興後因之紹興末臺臣王十朋上章請罷凡名伶俊伎留充德壽

宮其餘多隸臨安府雖有教坊之名多是市井之輩不知音律 碧鷄漫志 琵琶六公一名綠腰其曲中有一疊名花十八 又有人過釣容班教坊問曰某宜何歌必曰汝宜唱曹元寵小令

飲馬歌殘絡馬銜浮屠軍已越重巖尋宮儻入黃鍾調

蚤向陽山進一帆

松隱集飲馬歌邊頭春未到雪滿交河道暮沙明殘照寒烽雲間小斷鴻悲臘月低淚凝征衣情歲華老自注此腔傳自金中飲午馬即橫笛吹不鼓不拍其音凄斷聞元末每對陣吹此則鏖戰無還期也 建康集征元末詩快飲莫辭金鑿落先聲須破鐵浮屠注金將下親兵皆精練号鐵浮屠軍 至正直記文丞相入燕聞軍中歌阿刺來曲驚曰此正黃鍾之音南人不復與矣 建炎航海記建炎海上之役元末由鄞入海望大洋中隱隱一山問海師何所對曰陽山元末嘆曰吾得至此足矣下令逐掉其日御舟將如館頭亦過於風不爾幾殆蓋天所以開中興云  
親見宣豪寫洛神殘碑重捲淚宮嬪後來石刺應鋪叙  
猶記花門舊日春

書史會要高宗自言學書惟視筆法精神朕得王獻之洛神賦六行置之几間日閱數十過自覺於書有所得 王林詩話高九萬觀思陵墨本詩

淡黃越幣打殘碑盡是先皇御製詩白髮內人和淚看為曾親見冥時時石刻鋪叙建昌曾宏父撰叙高宗御書石經本末特詳南渡後秘閣帖亦加詮訂

毛詩一卷誦交交風過冷冷竹韵敲偶為尋花行別殿

棚簾不捲結蠨蛸

滄洲集春日夫人閣詩君王著意在絳幃無復瓊林宴賞時從此六宮休關草碧紗窗下讀毛詩 孝宗儉德記上在禁中凡先皇游玩之處多高鑄不御

清鍾杳杳碧波深掄影扶雲出梵林何取香山舊詩句

一山兩寺湯追尋

詩人玉屑中興後詩如趙天樂冷泉夜坐鐘樓晴响池水夜觀深秋聲集靈隱詩兩峰掄影天垂蓋千佛林光地布金 東坡詩集自注在虔州天竺寺見白公親書天竺寺寄韜光詩案此則虔州別有一天竺寺因韜光原住靈隱寺故有天香桂子之句咸淳志稱韜光志不收此詩是也

稜層孤墪倒江波六合於今號六和不見一瓶明似雪  
龍山依舊莽煙蘿

四朝聞見錄衛溼字清叔自僉帳奉召而不入國門翱翔於江上六合墪又  
宋藝圃集李季沉有題六合墪詩 雪溪集王經云余與郭壽翁別於  
錢唐遣送至龍山白墪寺又江月松風集白墪詩宋言傳自唐朝寺白墪  
崔嵬宮殿殿前案此則一白墪唐代物宋時已在禁中其楊連正功哀宋  
陵骨而建稱鎮南墪俗稱一瓶墪者又一墪也西湖志雖兩載白墪不為疏  
明又考清江集穆陵行云江頭白墪今不見則鎮南墪自明初刻去之也  
如此兩墪本未朗然今志多誤

皇壇高敞坐神農指向吳山第一峰藥局有方還證類  
不知仙艸闕靈踪

咸淳臨安志南渡初有商立者攜神像至杭舍於吳山因以為祠都人有疾  
禱者必應遂以其神為神曲云案商立所攜之神即指為神農西湖志誤  
作閣上另塑一神農像當從咸淳志 太平惠民和劑局方給與六年置  
藥局四所一曰和劑局十八年改熟藥所為太平惠民局取大觀刊正藥  
局方添補給與寶慶淳祐諸方醫吳育閣諸局方 證類本艸大觀初  
唐慎微撰給與中詔王繼先校定附以釋音付國子監鑲板 白雲仙

人靈草歌凡圖靈草五十四種各附以歌南宋祕府書也

館閣藏書校更繁綜甄簿錄列庭軒崇文舊目依稀見  
去盡源流割幾番

朝野雜記中興館閣書目淳熙中修渡江後書籍散佚紹興十三年建祕  
書閣以秦熿提舉祕書省掌書籍至是數十年所藏充物乃命館  
職為書目陳駉領其事綱目自徽宗文總目凡七十卷案今中興館閣書  
錄十卷淳熙四年陳駉撰李燾序續錄十卷嘉定二年館閣重編其後次  
第補錄迄於咸淳然今所傳非完書也 崇文總目六十六卷舊於各  
書下疏明源流自鄭樵盡削之今所傳者僅書名耳

手畢應防典墨兵野人識小太言譚尚書筆札經題後  
雪柏霜松無此清

分門瑣碎錄孫樵謂史書為墨兵 朝野雜記秦主和議禁私史秦死郡  
國多毀本嘉泰中言者請仍舊禁 續資治通鑑長編李燾撰乾道  
初命給筆札寫進淳熙十年上其書自建隆至靖康凡九百八十五卷要六  
十八卷詔付祕書省案此書今所傳者一百七十五卷從閣本錄出 南  
軒集李燾文簡長編如霜松雪柏生死文字間 水心集長編自春秋後才  
有此書

文鑑經時未始刊 惛惛理學罔糾彈 家山尚有圖書在 不比東萊費墨丹

宋文鑑臨安書坊先有聖宋文海孝宗得之命本府按劍益公請加銓擇上屬之呂伯恭書成賜名皇朝文鑑有近臣密啓云奏議中有詆及祖宗政事者不可示後世乃更命直院崔大雅增損後有道學之禁以有伊川文遂詆伯恭上不復降出此書當時迄未刊也 家山圖書文公私淑弟子之文傳於許魯齋其書以易中庸古大學古小學參列成圖綱領條目極為精詳 朱子語類朱子云呂伯恭編次文鑑徒耗損精力無所裨益

稽古如何不鑒今 輪臺甄別倍森森 可知千古公言是 惜爾搜羅系譜心

龔頤正著元祐黨籍譜系一百卷悉取籍中三百九人各為傳佚者四人而已案頤正後又著續稽古錄美侂胄功侂胄死詔臨安府毀其書 梁溪漫志紹興間詔贈卹元祐黨籍諸賢言者謂中多奸邪下詔甄別其人 帶經堂集蔡京手定黨籍原有二本南渡後合二本校勘詳定慮中有奸人耳所云三百九人乃京第二本案宋史崇寧元年籍党人凡一百二十人御書刻石端禮門者是為第一本

元祐忠良寬始雪 慶元理學禍重胎 寧知御閣移碑去

又見神州置榜來

中興編年慶元偽學之禁凡五十九人 宰執四人 趙汝愚留正 王藺周必大 待制以上十三人 朱熹徐誼彭龜年 陳傅良薛叔似章穎鄭湜樓鑰林大中黃由黃黼何異孫逢吉餘官三十一人 劉光祖呂祖儉葉適楊方項安世李熹沈有開曾三聘游仲鴻吳獵李祥楊簡趙汝談趙汝諧陳規范仲黼汪達孫元卿袁燮陳武田澹黃度張體仁蔡幼學黃灝周南吳宗勝王厚之孟浩趙鞅白炎震武臣三人 皇甫斌范仲任張志遠士人八人 楊宏中周端朝張術林仲麟蔣傅徐範蔡元定呂祖泰慶元三年知綿州王沆上言請令省部置籍下臨安府吏部郎黃子由上言人主不當待天下以黨不必置籍以示不廣未幾子由辭去 神仙通鑑林靈素侍游禁中至一閣下見碑題云元祐姦黨之碑遂獻詩曰蘇黃不作文章客童蔡反為社稷臣三十年來無定論不知姦黨是何人因得旨撤碑案此事野史多載考宋史崇寧中籍黨人榜朝堂一刺石端禮門再刺石諸州三刺石文德殿門帝既親書自頤天下並無刻石閣下道流之言恐不足據 案蘇黃二句全入馬定國詩 元中州集

未擎手版進名銜 正士僉人一例芟 安得長書似方鳳 清風終不沈朝衫

朝野類要初入仕必具鄉貫三代名銜謂之脚色崇觀間當書云不係元祐黨籍紹興間即云不係蔡童朱王等親屬慶元間加不是偽學方

與銓除 又上天子書曰萬言書若上公侯則曰長書 方韶卿集方鳳睦州浦江人久於臨安以三策上陳宜中不能用宋亡不仕與謝朝吳思齊為友黃潛作詩序柳貫撰墓銘

易地函頭事總非罽馱夜泣佛燈微死灰又煽咸陽焰  
江表難推禍福機

翠微南征錄華岳因韓侂胄函首有詩云反漢須知為晁錯成秦恐不在於期感函首事之非也案岳於開禧元年前上皇帝書請誅侂胄及蘇師旦語最伉直及函首後又為此詩重傷國體蓋不肯逐浮議附和者也吳興掌故云翠微集華廉字仲清著誤也 朝野雜記侂胄既見殺已詔臨安府葬於其家先坐之顯親報恩寺後易地議起乃下臨安尹遣本府副將尹明斬棺取首命通謝使許左往金交納時詔復秦檜官爵僞吳集高宗享國江表禍福倚伏有難明者

三班受使拆筠籃欲賦枇杷作美談西域凉瓜似冰雪  
不勞速遞到江南

大金集禮宋使到闕於三品官班內間插高麗夏國於五品官班內間插先引宋使副出笏捧書至丹輝面殿立之閣使左下受書奏封全轉

讀訖引使副左上露階齊揖入闈內宣問宋皇帝躬身受教百訖左下至丹輝面殿立定禮物右入左出高麗夏國亦如之 歸潛志宋使至金進枇杷子章宗命狀元王澤賦詩澤奏云小臣不識枇杷子王庭筠詩成上喜之案庭筠詩見中州集而枇杷詩不載 輿地廣記唐地理志餘杭郡貢枇杷 松漠紀聞北地西瓜圓而色青翠味甘脆中有汁尤冷今禁園亦有之 北轅錄金接伴使各帶銀牌一面樣如方響上有蕃書急速走遞四字上有御押

高築瓊臺靈隱宮松花蕭雪綠蘿風畫師却有拏援手  
不管霜牙射月中

梁溪集有靈隱宮詩 後邨題跋易元吉以畫猿光堯賜以詩察都穆鐵網珊瑚易元吉畫猿猴擇風圖有東坡題則元吉北宋人或光堯跋其畫不則另有一人又云元吉畫二後俱有白牙識者云母後方有白牙

春水平隄湖上下相攜早試踏青鞵花枝繞路山南北  
歸去還乘搖碧齋

尊生八牋 杭人三月三日上踏青鞵 梁溪集詩雲深不見孤山寺風急難乘搖碧齋搖碧齋是當時湖船之名

萬松深處響秋濤路繞宮城氣象豪驀地西風一行雁

山雲江月轉蕭騷

南窗紀談錢唐闕注子東松聲詩夢破松聲枕上聞睡魔夜半戰塗魂初疑夜雨連江岸乍覺寒潮上海門招引好風來古寺追隨月色下前村晚行欲向岸來處鬱鬱蒼蒼波盡日奔皇元風雅黃子肅錢唐詩舟泊風林雁聞白蘋紅蓼共思君月明江水多於海雨後秋山碧似雲

除却梅屏無好梅虞淵簿錄不須猜落花總入韓園去

越果催從項里來

北窗集梅屏賦序北山鮑家田尼菴梅屏甲京都高宗嘗令待詔院圖進名園記牡丹渡江先入韓相園會稽志會稽楊梅佳者出項里錢唐產者遜之入貢

玉女朝天銀作粧詞臣雪宴捧彫章珠簾十二龍樓捲

柳絮吹來浣粉香

艾軒集有賀雪表又有謝雪賜宴表書畫題跋記宋寧宗楊皇后題畫冊云風吹醉面不知寒信脚千山與萬山天秋瓊瓊街三十里更飛柳絮

與君看後書題朱銳冊賜大小少保有坤卦小圓印少保即楊次山

花枝馬上感雙尖繡鎧非同舞袖纖亦有新詞傳禁苑

清華直欲匹香奩

滄洲集閣子詩應是君王方右武內家仙子亦知兵韻石齋筆談楊妹子寧宗白皇后妹書法類寧宗御府畫多命題咏其題馬遠松院鳴琴詞云閣中一弄七弦琴此曲少知音多因淡然無味不比鄭聲淫松院靜竹樓深夜沉沉清風拂軫明月當軒誰會幽心

柴柵牽名何太迂詩編著錄號江湖鶴山跋語題鴻寶

鍾鼎能凌薛氏無

讀書附志江湖集九卷錢唐陳思本朝人之詩又刊六十家小集皆南宋人余插架有之鶴山集書苑菁華序臨安書人陳思集漢魏以來論書者為一編最為詳博案此書凡二十卷後題臨安府柵北大街陳氏書籍鋪刊行又刊寶刻叢編二十卷皆金石文跋鍾鼎彝器款識錢唐薛尚功用敏著凡二十卷皆三代以來款識之文尚功手書世傳石刻僅存其半尚功又有鍾鼎韻七卷

千秋史法弘綱在十四經文舊目遺兩部聖言齊魯論

一編帝學古今師

宋季三朝政要理宗嘉熙元年詔國子監下臨安府刊朱子通鑑綱目禮記集說大戴禮列於學官故當時有十四經之目中興館閣書錄韓愈李翱共成論語筆解十卷王存序云此得於錢唐汪充家又通考云魯論二十篇齊論二十二篇多問王知道兩篇自張禹刪之斯文遂喪至南宋已難搜求矣帝學建炎四年禮部尚書謝克家等上言以故翰林學士范祖禹所著帝學有益治道可備睿覽案此書凡四卷

多少官人馬上看涼衫輕拂據雕鞍昨朝曲宴需雲殿親見官家進小冠

清波別志士大夫於馬上盡披涼衫錢唐鈔志古宮室考南宋大內有需雲殿雲麓漫鈔高宗時隆祐太后遺以小冠曰此祖宗燕間之所服也

內苑新營定一亭擬將射策卜文星無端竊得機關透造榜天翰墨有靈

三朝政要嘉熙二年廷對有邵澤攜京墨甚佳有中貴欲之邵無吝色中寶曰主上御苑中方建一亭名曰定一上曰有士人用此立說取為狀元邵得其說揮豪如飛上得此卷欲真榜首時已取周坦乃以澤為榜眼知稼翁集放榜詩平地雷轟造榜天

齋郎占籍幾春秋紬史翻經死不休不向殿前喫五莖盃儘判瘦語纂缸頭

齋齋鉛刀編送人失解詩紬史翻經有成約不應從此厭招邀武林舊事上御集英殿唱進士名狀元賜酒五盞餘人各賜泡飯知稼翁集進士入試詩要令度語題蓋白莫把元文覆醬瓿注臨安人以黜卷纂酒

翻本蘭亭自取嫌寧知博議辨尖纖當時最好棠梨拓玉枕偏誇字格嚴

後邨題跋蘭亭定武石為薛氏子竊去今都城鬻者皆薛續本案都穆鐵網珊瑚薛珣作即刻石易去蘭亭續考蘭亭本流傳有玉有石有棠梨版本刻者佳至正直記賈秋壑得一砥硃石枕光瑩可愛欲刻蘭亭而患其小有一鐫者以燈影感其字宛如定武本缺損皆全賈開宴以賞之世號玉枕蘭亭今稱玉版者繆也

茸衫細疊錦鞵稜蕉翠珍珍痛不勝枉自監搜諱玉牒愁攤小雅映秋燈

宣和遺事二帝后北狩至正定府一番官妻自稱肅王女珍珍已成服見太后訴舊事危學士集宋宗室士敦嘗錄羣從之言號為玉牒勝談靖康小雅一卷紀北狩事此書通考失載

霜草稜稜健翮舒秋風獵獵海天虛南中那得巢生犬

宮禁空傳味漱書

東園友聞北方雕作巢官司必設置守之凡三卵及出必有一狗耳上有羽毛獵時雕上飛狗則陸行所逐同至名曰鷹背狗官紫錄臨安有人好養鷹嘗見其几間有書一帳上題味漱二字皆飼鷹之法問所從來則曰先人在此司諸閹往來此從宮中得之

國事已荒藍貌鬼南人惟恃黑灰團蠟丸夜達中書省

只作牽絲撮弄觀

三朝政要丁大全藍色鬼貌既登寵位北兵渡江大全匿報幾誤國事遂謫竄而死又北兵渡江臨安將謀遷蹕吳潛沮之向士壁曹世雄劉整皆有功似道並欲殺之整懼以城降北遂獻言曰南人所恃惟黑灰團耳呂文德号黑灰團杜清獻集奏葉臣蚤上得呂文德蠟書以捷聞既又有告急之說御筆降出云無甚迫急城中自恃而無恐耳後村集端平之初除拜一新趙南塘起散地掌內制有觀傀儡詩云酒闌有感牽絲

戲也伴兒童看到明

為有宮閨識小名又聞臺閣系羣英傳來都是臨安本

粉墨閒銷與漫評

姬侍類偶周守忠集女子之名作偶聯韻語嘉定十三年刻於臨安行在諸軍糧料院幹辦鄭域序自號錄錢唐徐光溥輯宋代各人之號淳祐丁未其友譚友序而刊之諸軍糧料院在漾沙坑今城眉山東之淺山

香奩弟子舊秦風詩法精深碑版工莫效長牋怨夫豈

徒揮老淚倚熏籠

四朝詩集云閨秀韓王父秦人家於杭李易安教以詩雲林漫鈔易安居士有投內翰蔡公崇禮啓清照素習義方鹿驪明詩禮近因疾病欲至膏肓有牛蟻不分灰釘已具膏藥雖存弱弟應門惟有老兵既爾蒼皇自困成造次信彼如簧之說惑茲似錦之言弟既可欺持官文書來輒信身幾欲死非玉鏡架亦安知個儂難言優柔莫決呻吟未定強以同歸視聽才分實難共處忍以桑榆之晚節配茲駟僮之下才身既懷臭之可嫌惟求脫去彼素抱壁之將往決欲殺之遂肆侵凌日加歐擊可念劉伶之肋難勝石勒之拳局地扣天敢效談孃之善訴升堂入室



素非李杰之甘心外援難求自陳何害豈期末事迺得上聞取自哀哀付  
 之廷尉被控楮而置對同山醜以陳詞豈惟賈生羞終灌為儕何嘗老  
 子與韓非同傳但祈脫死莫望償金友山橫者十旬蓋非天降居固圍者  
 九日豈是人為抵雀相金利營安往將頭碎璧玉失固可知實自緣愚分  
 知獄市此蓋伏遇內翰承旨宿紳望族冠蓋清流日下無雙又人間第一奉  
 天克復本緣陸贄之詞准蔡忠子實以會昌之詔哀憐無告雖未解駮  
 感戴鴻恩如正出已故放白首得免丹青清照敢不省過知慙捫心識愧責  
 全士貝智已難逃萬世之譏敗德敗名何以見中朝之士雖南山之竹豈能窮  
 多口之談惟智者之言可以止無根之誦高鵬尺鷃本異升沉火鼠水蠶難  
 同嗜好達人共惜童子皆知願賜品題與加前洗誓當布衣蔬食溫故  
 知新再見江山依舊一瓶一鉢重歸畝畝更須三沐三薰忝在葭莩敢茲  
 塵瀆案易安再適張汝舟竟至對簿啓在臨安作也時崇禮官翰林學士

舊說南朝三百寺猶餘兩碣未頑孱誰知千古忠姦蹟  
 却在波崖泐石間

興福禪院碑淳熙七年周邦樞記劉士莊書 廣壽慧雲寺碑史浩撰記  
 樓鑰書此又稱張家寺 熙寧石屋題名陳襄蘇頌孫亦竹黃巖曾孝  
 章蘇軾同遊熙寧六年二月二十一日宋咸淳臨安志蘇公題名當禁時  
 已鐫去今摩崖朗然後人重公之名而補刊也 咸淳石屋題名咸淳三年  
 九月二十八日賈似道領客東元嘉史有之廖堂中黃公紹王庭來游子  
 德生諸孫蕃世侍案此段摩崖費名漫滅後人惡賈而毀之

黃鶯枝上盡情啼何處西陵路欲迷款款朱輿繞湖去  
 相君心愛白沙隄

吳越備史西陵即今西興錢王渡江以陵非古語因易之案此則錢唐稱  
 西陵繆也 咸淳臨安志無白公堤所謂白公築之堤在上湖與下湖相隔  
 處公自著錢唐湖石記可証今人所指之白堤即白詩所云綠楊陰裏白沙  
 堤白公前已有之宋時稱孤山路故成化府志猶無白隄之名 三朝政要  
 賈相出乘朱輪輿自葛嶺至宮城繞隄而行

嬌女如花掩畫屏牙旗小校閉松廳新書仿出奇奇集  
 更著兵門蟋蟀經

志雅堂雜鈔賈師憲嘗刊奇奇集萃古人用兵之法蓋自諱其援鄂之  
 功也 世傳新書曹孟德著 蟋蟀經三卷相傳賈秋壑著詞頗雅  
 馴有更籌帷幄選將登場諸語徽藩嘗有繪畫本

鷓鴣不逐五湖雲那肯鎔金獨范君黃土搏成終是偶  
 沉香爇盡更誰熏

三朝政要賈似道既占湖山之勝作半閒堂延羽流塑已像其中  
書志延祐七年五月中書省簿籍諸物有賈似道画像一軸

研朱嵌墨離文似沁綠塗青銅甌如久已朝堂不設鼓

無勞齋館有辭書

三朝政要景定五年造金銀見錢闕子其制上墨印如西字中紅印三相連  
如目字下兩傍各一小黑印宛如一賈字 又賈似道當國置綠櫃招人告  
許 清波別志行在登聞鼓院有院無鼓以鼓在汴京茲不復設 三朝  
政要太學生上書輒累百人令臨安尹遂游士并削其籍諸生作捲堂文  
以辭先聖 太學在紀家橋今按察司署

水西雲北景蒼蒼花塢風晴月有香何似梅花裏湖好

長留孤影照滄浪

洛水集三賢堂記乾道中移三賢於水仙王廟東廡雖摘取坡公詩配食  
水仙王之意後居廡下楊賢滋甚郡守袁韶搜得花塢一所當蘇隄正  
中建堂奉安又撤三堂曰水西雲北曰月香花影曰晴光雨色 興觀集  
詩咸平處士誠堪羨死守梅花住裏湖

爛爛珠光散不收香煙縈郁水空流皇家寶異誰經識

冊府猶堪按籍求

至正直記宋臨安時有以徑寸珠進御一宦官求賂其人不從宦官取絲絡  
珠於梁焚乳香熏之須臾化為水宦官云此非明珠乃猿對月疑視久墮  
淚含月華而結成也 寶貨辨疑一卷宋時掌公帑者所錄凡物源產地  
用法皆詳述

三千上玉只焚身雲氣終虛屍氣親二十金釵共垂手

九歌聲裏哭孤辰

三朝政要賈似道愛珍寶聞余玠有玉帶發塚取之 志雅堂襍鈔盧方  
喜作秋聲記九歌

錦刺蒲桃稱異色當時諫史絕奢華後來輿論成謠詠

玉碎琉璃號假花

中興編年淳熙中蜀貢葡萄錦却之從臺臣諫也 佩韋齋輯聞咸淳  
未禁都下婦人飾珠翠悉以琉璃代玉民謠曰滿頭多是假無處不琉  
璃時似道當國假謂賈琉璃謂琉璃也

墨花零亂宛殘脂獨爾烏闌寫妙詞休話平康舊都事

蔡奴留影傳師師

四朝詩集云南宋杭妓能詩者蘇小娟後村詩話汴妓部六即蔡奴也元豐中命待詔崔白圖其貌入禁中敏求記李師師小傳一卷臨安刊於權場中老學菴筆記述生子賤有題蔡奴傳神語云嘉祐間風塵中人亦如此嗚呼盛哉則蔡奴留影正南宋事也潘為紹興中人

燕子帶來雙翦雨梨花老去一絲風啼痕凍就紅心草  
誰葬金釵葛嶺東

桐江集本綿怨序云賈似道南竄猶攜所謂王生沈生者自隨二生天下絕色也木綿菴既殂二生再展入此後南還善事貴人巧伎藝拙女功願再遊尚人為妾因寫之樂府以為世戒

會向歌樓喚酒京不煩束帶款逢迎玉缸若藉蕊開佐  
祕色新來雨後晴

雲從漫鈔都人呼酒瓶為酒京侯鯖錄有酒經云百安人醜酒致書云或一經或五經他邦人不知其義聞送五經束帶迎於門又青蕊器李王秘色為最近臨安亦自燒之殊勝於前

自是清才繼玉瀾鸞釵劃損綠琅玕桃墩總有傷心淚  
勒斷筋弦不忍彈

斷腸集朱淑之錢唐下里人世居桃村工為詩嫁為市井民妻不得志歿宛陵魏仲泰端禮輯其集名曰斷腸錢唐鄭元佐加注分為十卷刊行有臨安王唐佐傳今失之世所傳二卷田藝衡序者繆也四朝詩集云淑正海寧人文公姪女玉瀾堂集朱棣字逢年文公叔父少負才不得志晚季節愈厲而詩益高因夢名堂曰玉瀾尤延之為序

我曾把讀梁溪集五世三公喬木材此日君臣咏魚藻

湖園親駕翠龍來

梁溪集元表延之著凡五十卷萬柳溪邊舊話先莊定公築園臨安之西湖度宗嘗幸其室御筆題楹間曰五世三公宰輔奕朝累掌綸

宮袍掩映牡丹緋裊裊鞭絲出禁闈寄語香街探花使  
今年春榜號龍飛

朝野類要聞喜宴曰選季少二人先到瓊林折花迎狀元吟詩此唐制今人謂第二名為探花者非也又每遇主上即位第一次選士謂之龍飛榜

蕊珠淡墨尋常事尚見同班兩錄留千古香名磨不滅  
後來應號小瀛洲

紹興十八年王佐榜同年小錄寶祐四年文天祥榜登科錄此二錄後有翻刻為有朱文公及文信國耳文公名在第五甲第九十人字元晦小名沈郎小字季延信國第一甲第一名字宋瑞小名雲孫小字從龍案後村集有甲申同班小錄序即題名小錄也 水天閣集小瀛洲石簣為商半塾題以其地近依光堂南宋進士題名之處

十里平湖波浪深太魚成抱小魚針放生不禁魚兒活  
贏取豪家幾笏金

金石志有高文虎德生堂碑記案慶元中安撫趙師罪請用天禧故事以西湖為放生池則通西湖皆稱放生池非今一隅之地也德生堂在石函橋今昭慶之側而淳熙虞公謂堂在湖心寺指今之放生池殊不知宋時湖心寺即今之湖心亭舊志多訛舛余修邑志駁正之 夢梁錄金魚有銀白玳瑁等色錢唐門外多蓄養之入城貨賣名魚兒活

羅屏掩處添三尺蘇幕遮來抵一重若使箴鉤勝隔座

為因鬪草代分條

雲麓漫鈔紹興末中官以小竹編聯籠以衣畫風雲鷺鷥為名曰畫絲好事者大其制施於酒席或野次可以障風易其名曰挂恩又言出於金中目曰話私言遮蔽可話私事然言為話南人方言非此語也

玉龍萬捲發靈虛畫裏濤江壯帝居只道鳧車迎伍相  
不知水馬弔三閭

七修續藝葉南屏家有宋宮觀濤圖案圖本字嵩画見張憲玉笥集 梯米集詩江風獵獵吹紅旗舟人結束誇水嬉又云飯筒角黍纏五綵楚俗至今猶未改日暮空歌誰在斯不見三閭憔悴時案周紫芝此詩言錢唐江中競渡也他志只言在西湖耳紫芝官臨安久其言有據 尊生八牋南方競渡使舟輕利謂之飛鳧又曰鳧車有詩云水馬浮江吊屈魂

南朝剩有虞公劍能比金源水造刀待與青城間鼓柝  
西風一葉泛離騷

朱存理鐵網珊瑚宋相虞雍公古劍傳於其八世孫堪處倪瓚作古歌志雅堂襟鈔伯幾家有篋刀乃大金水總管所造上有滲金鐫水造二

字直鈔十鏡 倪雲林集堪字克用僑居錢唐四壁山有鼓柅稿

桐華煙細不須多案上牀間置幾螺怎得清芬如帝子

請將墨史試研摩

墨史澤州胡景純取桐油燒煙製墨名桐華烟 又南朝皆稱墨為螺 又趙令衿宋宗室封安定郡王善製墨子子覺孫伯康皆傳其膠法 銘曰超然清芬如在超然令衿自號

春宴遺風自曲江水品雲殿百花牕熒煌燈火錢唐夜

十隊酣春賽不降

朝野類要行都西湖寒食前排辦春宴用舟載伶妓此唐曲江之遺自諸 王公卿及六曹郎排日宴會並是京尹館伴 天籟集西湖詞十里水晶 雲殿 夢梁錄湖船有百花十樣錦等名 霞外集詩店舍喧嘩徹夜 開熒煌燈火映樓臺歡游未曉不歸去早有元宵氣象來 刺源集 咸淳德祐中杭有善歌者十人各以才色聞天下兵後散失

簷車小隊出通津艷紫文羅半隱身縱使凌波步羅襪

不爭水路感絲塵

清波別志婦女步通衢以方幅紫羅障蔽半身謂之蓋頭凡貴游出入 持鍍金水罐子前洒方過車名曰水路此猶汴京之遺風也

井汲甜瓜分外清十街三市幾番更水銀不願天宮賜

只願官除竹木征

夢梁錄六部前有甜瓜井 清波別志臨安人移屋以傍井處為佳 中 興編年紹興二十六年七月臨安雨水銀 三朝政要紹定五年臨安蠲 竹木之征

潮拍樁滑卦畫齊蛟宮荒怪漫然犀鱗蟲水母差堪異

更詫毛羣膺臍臍

吳越世家疑辨錢武肅築塘以木立於水際去岸二丈九尺立九木作六重 象易既濟未濟卦由是潮不能攻 龜溪集錢唐水母詩眼中水怪狀 莫名出沒沙嘴如浮嬰渾沌未數俱未形塊然背負羣鰕行 清波別 志臨安小民往江口見潮退有一異物褐色有毛有牙有脚有鼻有耳 骨軟似不任持重三四十斤或名為海狗後有貴人詢其形狀曰此膺臍臍 也

五殿封蒸按舊經亭童取汲水清淳河陽風月依然是  
況有如花債酒伶

晏公類要江南五殿酒 穉米集論麴院書酒與麴相須而成在乎擇水  
之佳者西湖之水清甘如飴其外則用龍山鴻雁池水南外用巡檢司大  
井水江漲北外用下湖水 夢梁錄臨安府點檢司管城內外諸酒庫  
每年清明前開煮擇日開沽呈樣各庫預貼告示官私妓女社隊鼓樂  
謂之迎者 汴都記酒家望上書河陽風月

湖目全憑水結叢琉璃地上早蓮紅鴛鴦豈是能言鳥

啞啞經魚粥鼓中

此欄集白蓮花寺在風篁嶺下肇法師誦經於此蓮生陸地鴛鴦亦解  
誦經 湖目蓮子見皮日休詩

一生難報狀元恩日月精光吐復吞不信漁陽搥鼓急

回頭無路哭修門

文信公傳伯顏駐軍阜亭山公往議和伯顏以危言折之公謂宋狀元宰  
相所欠一死報國耳 文山全集鹿鳴宴詩有云二宋高科猶易事兩

蘇清節乃加崇囊書自負應如此肯遜當年彌正平自注吳舉李愛梅  
迪舉送弟璧同薦是年及第 指南錄序阜亭山距修門三十里

寒鴉啼上萬年枝一片荒坪月去遲滾滾蠻潮等閒過

蓬葩江上吊鴟彝

江月松風集故宮詩寂寞萬年枝上月夜深猶照舊宮牆 滄洲集羅  
公升之大父從文丞相於閩廣兵敗不食死公升傷大父死節而宋祚已  
終乃作吊胥濤賦 蓬葩見劉文詩

夢斷羅衾冷似冰嚶嚶紅喙語雕棧木波不斷幽人怨

梧葉聲中蟋蟀燈

乾坤清氣集瀛國公鸚鵡詩毛詞自然可數仙禽不受凡籠卸得梧桐一  
葉中含無限秋風 湖山類稿瀛國公為僧號木波講師

投老湖湘更不歸哀江南後淚空揮傷心釀酒城南路

親見鸞皇作隊飛

金臺集水雲北歸後往來匡廬彭萊間若飄風行雨人以為仙畫其像  
祀之 宋遺民錄謝朝賦續琴操哀江南四章為錢唐汪元量作也按

水雲集元量以琴供奉為北行既而以黃冠放還德祐王贈之以詩宮  
妃屬和以勸君更盡一盃酒西出陽關無故人分韻王清惠陳正淑黃慧  
正何鳳儀朱靜正葉靜慧孔清正鄭惠正方妙靜翁懿淑章妙懿蔣懿  
順林順德袁正淑又有章麗正袁正正金德淑總十七人其詩並見集中  
余家藏元量水雲集及湖山類藁二本互有不同

千古靈胥氣未銷青霓曳曳下雲翹巫師但擊靈鼉鼓  
更何何人賦大招

金龍山聖蹟記謝公緒會稽諸生居錢唐安溪謝太后姪也三宮北行公  
投安溪死門人葬於鄉之金龍山明太祖呂梁之捷神顯靈遂敕封金龍  
四大王立廟於黃河之上余修錢唐邑志補入忠節傳

傳道尋春四壁還江清湖淥有無間元和圖牒分明見  
何處沉霾界石山

朱存理鐵網珊瑚倪瓚題虞堪八世祖雍公古劍歌序云余訪青城山  
樵於錢唐之四壁山案此山之名咸淳志不載後來作志者均失之  
和郡國志錢唐載二山一靈隱一界石今界石之名宋志已無今不可考

故事全憑共討論江關老去鳳皇門華胥醒後黃梁熟  
便話南柯也不根

松隱集德壽宮帖子向晚天中月一痕春陽先到鳳皇門 東京夢華  
錄幽蘭居士孟元老追叙東京舊事書成於紹興丁卯自為序淳熙丁未  
浚儀趙師俠後序 夢采錄吳自牧自序云昔人臥一炊頃而卒生事業  
別歷皆遍矧時異事殊城郭苑囿之富風俗人物之盛焉保其常經懷往  
事殆猶夢也因名夢采錄 養蒙集南柯錄序御前提點錢唐劉君  
久居禁近逮事皇元不共故步退食多間追記舊聞名曰南柯錄蓋紀  
曩日繁華事也案此編失傳名亦無考

名集猶傳六十人湖雲江月話津津而今花柳新題處  
況是欣逢寶歷春

南宋六十家小集錢唐陳思王集本朝人之詩集尾書刊於臨安府棚北  
大街陳氏書籍舖者是也題曰羣賢小集鄒陽洪邁野處類稿二卷臨  
川危正吳齋小藁一卷螺川羅與之雪坡小藁二卷滄州高九萬鞠礪小  
集二卷臨江鄒登龍梅屋吟一卷盱江余觀復北窗詩藁一卷開封趙  
崇錡鷓鴣渚微吟一卷古徐朱南杰學吟一卷古括王琮雅林小藁一卷  
芳庭斯植采芝集二卷錢唐陳起共居乙藁一卷雲川吳仲孚翰潭

詩集一卷龍泉沈說庸齋小集一卷唐栖釋永頤雲泉詩集一卷金華王同祖學詩初藁一卷四明陳允平西麓詩藁一卷錢唐何應龍橘潭詩藁一卷柯山毛翊吾竹小藁一卷臨三郭林日華由一卷壺山許棊梅屋詩藁四卷清涼源明仲參竹莊小藁一卷三山陳駿士之東齋小集一卷浮玉施樞雲隱樓舟藁一卷又芸隱倦游稿一卷建安徐集孫竹所吟藁一卷野江吳汝式雲臥詩藁一卷古汴武術道安藏拙餘藁二卷四明高似孫疎寮小集一卷建安葉紹翁靖遠小集一卷河陽張弋秋江烟草一卷建人張至龍雪林刪餘一卷金華杜海齋小集一卷廬陵劉德倫招山小集一卷玉溪嚴粲華谷集一卷野江黃文雷看雲小集一卷許人趙希樞抱拙小藁一卷丹陽葛起耕僧庭吟藁一卷石閭利登跋稿一卷廉村薛嶠雲泉詩一卷山陰葛天民無懷小集一卷錢唐余桂漁溪詩藁一卷又漁溪乙藁一卷長沙劉翰小山集一卷大梁張良臣雪窗小集一卷邗州張縕斗野稿支卷一卷南豐黃大受露香拾藁一卷三山林希逸竹溪十一藁一卷長樂敖陶孫矚翁詩集一卷建安朱繼芳靜佳龍尋藁二卷閩人陳必復山存存藁一卷長樂林尚仁端隱吟藁一卷剡溪姚鑪雪蓬藁一卷福唐劉翼心游摘藁一卷春陵樂雷發雪巖叢藁一卷若川宋伯仁雪山吟草一卷天台戴復古石屏續集四卷笠澤葉茵順適堂吟藁一卷廬陵劉過龍洲小集一卷石塘林同孝詩一卷荷澤木子龔梅花袖一卷又剪綃集二卷鄱陽姜夔白石道人詩一卷臨川李濤蒙泉詩一卷陽穀周文璞方泉詩一卷廬陵沙門紹嵩江浙紀仁集句七卷宣城吳淵退安遺藁二卷永嘉薛師石瓜廬詩一卷

又陳起宗之編前賢拾遺五卷又編增廣高僧前後集四卷此編流傳絕少特著其目如右 石屏集詩聖朝開寶歷又云江山一夜雨花柳九州春

南宋雜事詩卷二

全勝傳觀堂版石印



南宋新集詩卷二

夢梁錄元旦禁中景陽鐘罷百官皆冠冕朝服諸州進奏吏各執方物之貢諸外國正副賀正使隨班入賀上御正衙禁衛人高聲萬呼聲甚震名為繞殿雷百僚俱鞠躬聽宣制曰履茲新慶與卿等同斗野藿除夕詩京國逢除夕極遲驕欲霜春聲生爆竹歲色動椒香戒睡聽雞蚤占詩探雨忙燭花頻送喜兒女笑闕堂

南宋禱事詩

仁和陳芝光蔚九

元朔朝正海國來聽雞探爾曉光催千官鵠立瞻天表  
萬歲聲長繞殿雷

金釘彎橋白玉裝幽奇全勝偉觀堂假山勅賦壺天景  
又見香蘭設御牀

癸辛雜識德壽宮有橋乃中秋賞月之所橋用吳璘所進階石秋丸之  
堂徹如玉以金釘鉸橋下皆千葉白蓮花水南岸宮女童奏清樂水  
北岸教坊樂工吹笛者二百人方輿勝覽中和堂太上光堯皇帝御  
書謂斯堂偉特之觀無媿上都薰風南來我意雖暢願與眾人共之

後改為偉觀堂 海野詞侍宴德壽宮應制賦假山調寄醉蓬萊云向  
道遙物外造化工夫做成幽致香露壺天映滿空蒼翠千峰秀巒巒  
春花木對玉階金砌方丈瀛洲非煙非霧恍移平地況值良辰宴遊時  
候日永風和暮春天氣金母誕慶堂倚碧桃陰裏地久天長父堯子舜  
燦綺羅佳會一部仙詔九重鸞駕仗年季季同醉 宋史新編理宗在位  
久董宋臣盧允升作芙蓉閣香蘭亭宮中進倡優傀儡以奉帝遊宴  
翠寒堂上賞春風壯麗由來絕代工小憇有輿高柳下  
醪醑飛雪壽杯中

二老堂 襟志淳熙七年三月十八日車駕馬詩德壽宮恭請太上皇帝壽聖  
皇后於是乘輿至大內於凌虛閣下三面設醪醑牡丹花皆層級高數尺  
一面垂簾設樂酒三行太上皇帝壽聖皇后臨步輦以行今上亦步輦從  
至翠寒堂棟宇顯敞不加丹雘太上指示曾觀云營造何如觀奏曰宏  
壯精巧二者兼之今上即曰凡此鉅材一椽已上皆出太上皇帝所賜酒  
復數行至水堂中路石橋上有輿少憇面對醪醑花架高柳參天醪醑引  
蔓垂稍而下其長袤丈芳菲照坐馥郁襲人上亦滿引勸酬者三

柳陰橋影步忘歸樓榜雙清碧四圍消得騷人奇絕想  
荷花欲翦嫁時衣

庸齋小集西湖獨步詩小立背橋影緩行隨柳陰 方壺存藁秋  
飲錢唐門外雙清樓詩西湖日日可尋芳樓上憑闌意未忘所取荷花  
三萬朵作他貧女嫁衣裳

老木雲煙望裏平小春橋外水風聲猶餘圖畫雙杉古  
誰把青龍指下生

晚菴集鳳山詩寒艸寒烟老木風南朝佳氣落秋空 余忠宣集九里松  
詩言從天竺寺自度小春橋 傅與礪集有題李子遵道畫靈隱道中二  
杉圖 稔翁公集題松雪三松圖註云松在白塔詩云趙公拈筆作古松平  
地躍出三青龍又云前朝美人鬪艸處猶有當時鬪株樹 案小春  
橋即行春橋

醪醑如雪酒初醒修竹風搖著作庭曾說牙籤紛萬軸  
不如丹筆寫盤銘

梅溪集有秘書省道山堂看醪醑詩 又題秘書省後園修竹詩不俗  
更嫌俗風枝時拂墻青青映葵燭細細襟共香勁即老方見清陰  
寒影藏蕭疎似吾輩味向靜中長 滕陰劉記光宗讀朱子編次  
盤銘丹書語朱子曰宮中嘗讀之其要在求放心朱子頓首謝

沙河燈火接星關洞裏神龍去不還部伍亭前空綠艸  
戴高祠畔賸青山

默堂集初到臨安詩風際筦弦朝病酒雲中樓閣夜焚香十季一夢  
沙河路獨步春泥覺燕忙抱拙小藁臨午洞兩洞深如許神龍此  
奠居默堂集詩部伍亭前歸路鳳皇山下蕭齋我自無聊不住君  
如有興重來踰髮集吳山謁祠詩吳山坊項戴高祠禁地淒涼江  
水悲却是此人題記壁迤南者舊獨無詩

思陵筆格入鍾王搜得麻牋僅九行試看當年題識在  
磁藍籤色逼靈光

續書譜高宗書法出入鍾王更輔以六朝風骨自成一家松雪齋集  
王獻之洛神賦十三行二百五十字人間只有一本是晉時麻牋給興  
間思陵力購僅得九行一百七十六字至賈似道復得七十四字裝  
潢志宋徽宗金章宗多用磁藍紙泥金字貼籤殊臻壯偉之觀高  
宗亦用之

梅竹勻將扇面攤江南情思落齊紈可知青紙為承夢

儉德猶留後世看

夢梁錄夜市有崔官人將字攤梅竹扇面兒在五間樓前大街坐鋪  
玉山璞篆題宋高宗意思便面詩當朝山色尚烟嵐近侍承恩罷早  
參邊奏不來春殿寂自將情思寫江南嬾正子紹興三年六月明  
州阿育王山住持淨曇以袞奎閣所藏仁宗御書詣行在所獻九五  
十三軸又有團扇三柄皆以青牋紙為承夢制度極草艸大哉仁宗之  
盛德也

和王世澤有文孫猶記當時雲洞園搜輯九經奇字在  
夏饒六帖與評論

六帖補呂午序云楊伯嘉號冰齋和王曾孫輯六帖補最精核往與子  
同仕於朝出示此編命為之序冰齋又作九經補韻行於世

天竺山西巖谷深松蘿交翠自成陰老禪慣與後公戲

攬果時來樹下唵

帝都賦傷西深入巖谷益秀竹所吟藁下竺看後詩渴泉飲罷過別  
枝林守山林得便空袖手攬擎野僧果貴游玩弄如兒嬉

一山桃李占繁華武庫旗翻寂不譁回首蓬萊雲氣近

殿司營是太師家

龍洲集同郭致帥遊鳳山詩廉纖小雨久於梅喜得新晴亦快哉五色波光麗鷓鴣十分雲氣近蓬萊旌旗側畔宮牆轉戈戟叢中武庫回走馬看花生怕晚果然桃李一山開揮塵後錄蔡元長少年鼎貴建第錢唐極為雄麗全占江湖山林之勝今行在殿前司是也案殿前司在鳳皇山大內側今呼御校場

纔過燒燈小雨收玉梅飛上玉搔頭湟槃勝會花生日

看畫長明寺裏遊

斷腸集元夜詩塵塵小雨潤生寒雲影澄鮮月正圓十里綺羅春富貴千門燈火夜燐娟香街寶馬嘶金轡鞦韆路輕輿響翠軒高掛危簾凝望處分明星斗下晴天夢梁錄杭城大街春冬撲賣玉柵小水魚龍船兒檢球香鼓兒等物又云仲春十五日為花朝節宗新門外長明寺建佛涅槃勝會羅列幡幢種種香花異果供養掛名賢畫設珍異玩具觀者紛集竟日不絕

六日七分添線處五更三點賀冬時地瓶移插梅花吐

繡疊簾旌喚舞兒

詩林韻藻周必大云冬至與胡邦衡小語端誠殿下邦衡舉易緯六日七分之說輒用子美五更三點為對霞外集至節即事詩天街曉色瑞煙濃名紙相傳盡賀冬繡幕家家暉不捲呼盧笑語自從容昨夜梅花已報春地瓶移插更精神酒酣纖手爭來折鸚鵡回頭不敢嗔已有紗籠照舞兒喧喧鼓笛自相隨誰家院落來呼喚門外天明也不知簾旌疊繡鮫綃遮護香風不放消却恐酒闌先睡去預教小玉問明朝案馬霞外自存云季少承平之樂誠不易逢也

宋家南渡擬東遷為有遺經大道傳不比五山兼十刹

崇儒但賦北山篇

勿軒集周東遷而夫子出宋南渡而文公生世運升降之會三綱五常之道所寄也又南渡初文定胡公造行節有以程氏之學盛行為言公慨然曰吾以程氏之學不行為懼何言盛耶梅村集宋元以來浙東西分立五山十刹而靈隱居其最仁山集北山之高一篇美咸淳天子謂其能繼理宗師賢而聘何夫子也何即北山先生名基

章公太學原奇士周子兵樞亦勝流天下何曾有鵬卵

人間可惜重魚頭

齊東野語外大父文莊章公少入太學為集正嘗置酒揭饌單於爐亭品日多異其間有鵬卵者最奇大如瓜片切餽大盤中眾駭愕不知何物其法乃以鳧彈數十黃白各聚一器先以黃入羊胞蒸熟次復入大猪胞以白入之再蒸而成按章名良能寧宗時登政府 二老堂棣志紹興辛巳予為秘書省正字同館王十朋望見周麟之樞密目為魚頭公問其故云前歲為大金哀謝使金主喜之享以所釣牛魚非舊例也樞公稽其首歸獻於朝故有此號金人甚貴此魚直與牛同 海陵集子懋燕山會同館有梁大使者先朝內官也入館傳言賜金瀾酒二尊銀魚牛魚二盤 演繁露牛魚背長鱗硬頭有脆骨重百斤即南方鱣魚也

夢兒亭下蘇紋青更著佳名謝履亭誰賦池塘春艸句

只嗟五字對山屏

靖逸小藁登謝履亭贈行之詩君家靈運有山癖予生費却幾緡履從人喚梁作山賊內史風流定誰識西窗小憩足力疲夢賦池塘春艸詩只今履詩不朽五字句法誰人追自注云亭在天竺 案西湖志有夢謝亭無謝履亭

龍眠古器寫形新骨董流傳入要津六十卷中彝鼎鼎字

不知曾否辱狂秦

揮塵錄李伯時自畫其所蓄古器為一圖舊在畢少董處少董死迺歸秦伯陽燻 學古編云博古圖六十卷紹興間本今無矣

黃羅封麵賜頻叨德大王侯始食牢夢裏紅衣有歌句

普門何必更相遭

全芳備祖蘇公詩註大內當夢熟時以黃羅帕封賜百官外題曰新麵或云以蜜漬尤佳今內廷猶仍此制 墨憨齋吟纂雅公孫紹興初為參政自奉過薄謂客曰德大於天子可以食牛德大於諸侯可以食羊所進皆草具 夸堅別志杭人有中夢毒夢紅衣孃子悲歌有一丸蘆菔火吾宮之句 咸淳臨安志上天竺觀音祈夢極靈兩浙進士類試者恒往焉多以食物著驗

緝熙小殿研山排御墨流香記損齋天語微聞先八法

正書派別出垂欽

輟耕錄葉世英造德壽宮墨葉邦憲造復古殿墨劉士先造緝熙殿墨志雅堂講鈔高宗御書損齋二大字并損齋記後有左僕射沈該以下聯名 法書通釋宋高宗云士於書法必先學正書以八法皆備不相附麗益篆隸之餘風

五柳園前柳線低新開門外草痕齊若從新路看花去

一片紅隨碧玉蹄

都城紀勝新門外五柳御園咸淳臨安志五柳園在金剛寺北按即今之板兒巷內也又云走馬塘在艮山菜市門外地平坦可馳馬故名舊有花柳號城東新路

鄂字書成壯氣存臨安何處望中原蘆川亦有英雄語

禾黍西風鼓角喧

揮塵新譚有請儒者箕書一詩云百戰間關鐵馬雄尚餘壯氣凜秋風有時醉倚簞山望腸斷中原一夢中後大書一鄂字始知為武穆也蘆川詞賀新即送胡邦衡待制赴新州二夢繞神州路悵秋風連營鼓角故宮禾黍案張仲宗以此詞忤秦檜除名

活水穿田一徑微麥潮化蝶作團飛蟠龍舞鳳盆花樣

多向都城賣却歸

西麓蒙馬嗟道上詩開拖瘦竹筇獨步馬嗟東鳥影青山外春愁碧樹中夢潮風化蝶櫻熟雨生蟲莫向溪頭去溪頭多落紅斷腸集

馬嗟詩一嗟芳草碧芊芊活水穿花暗護田疇事正忙曲衷事急不知春色為誰妍夢梁錄錢唐門外東西馬嗟諸圃皆植怪松異檜奇花巧果多為龍蟠鳳舞之狀每日市於都城

石八郎祠社鼓鳴龜兒井畔聽溪聲千林吹落梅花雪

一段清愁畫不成

咸淳臨安志安樂山在錢唐下有石八郎祠龜兒井在西溪覆以石龜穴其背以汲雪窗小集過西溪詩思畫眉波蕙艸荒冷雲客雁兩回皇梅花到得吹成雪盡是清愁不是香

侍讀清才進美譽一筒散卓拜中書叢奎自愛屠希手

入貢澄心紙不如

渭南文集結興之間有筆工名屠希者嘗從駕四方皆貴希筆一筒至千錢晁侍讀以道作詩稱譽之六研齋筆記謝堅知徽州於理廟有椒房之親貢新安四寶澄心堂紙汪伯立筆李廷珪墨羊鬬嶺舊坑硯

鍛銀枉為問工儔帶格曾傳號笏頭不信還來玉包肚

可能勝得紫雲樓

瑯琊湯鈔孝宗乾道中有以銀鑲獻於朝上命守臣詢究且將名冶工即禁中鍛之帶格凡三十二種其首為笏頭一字執政佩之至銀銀塗銅各有名號宋稗類抄王荆公受賜玉帶號玉抱肚紹興中王之曾孫壽後進入禁中格古要論王佐紫雲樓金帶考太宗得巧匠親督視於紫雲樓下造金帶得三十條以一賜曹彬一以自御餘皆貯庫號鎮庫帶封錫甚嚴至徽宗以賜童貫諸人欽宗復追還庫高宗紹興十三年有客來自海外忽出紫雲樓帶蓋欽宗取追不及者上出四鈔示岳珂其金紫磨地光艷溢目其文作醉拂蔬人皆突起長不及寸者目生動其華紋則又六七級鏤篆之精若入鬼神

懷蘇何處覓芳叢採壁擎珠繡戶中休向酒邊尋搭子  
京塵空度杏花風

嘉禾百咏注懷蘇亭在禾城東宋時建與蘇小笠相望故名 一行禪錄京都不重生男凡生女則愛護如捧壁擎珠甫長則隨其姿質教以藝業因備士大夫採擇袖中錦京師婦人美者謂之搭子陋者謂之七蓋搭子者女傷著子為好字七字不成女字謂其不成婦女也 存餘堂詩話嘗見宋刻一詩云客懷耿耿自難寬老傷京塵更鮮歡遠夢已回窻未曉杏花風度五更寒因讀渭南集乃知其都在都下作

也

都亭館伴禮殷勤向冷泉亭坐夕曛無奈西湖銷滴水  
筆端驕語記煙雲

方輿勝覽都亭驛在候潮門裏國信所北使至闕先遣館伴使賜御筵於班荆館明日始至都亭驛又明日入見見之二日與伴使皆往天竺寺燒香上賜沉香乳糖齋筵酒果次日至冷泉亭呼猿洞而歸 中州集王兢奏使江左讀同官蕭顯之西湖行記詩雲烟濃淡費臨摹行記看來即畫圖雲夢不妨吞八九筆端滴水了西湖

平章廟記筆穠纖却費青珉片片劖秋壑一生珍玩在  
右軍小影閉瑤函

志雅堂雜鈔廖君玉劉王櫛所作賈氏家廟記 王忠文公集玉枕蘭亭跋云此本後有右軍小像題曰秋壑珍玩

白石方泉擅賦才西湖寺古共裴回綺牀熏陸多生願  
得見金銅佛塢來

方泉集姜堯章金銅佛塔歌白石招我入書齋使我速禮金塗留我疑  
此塔非世有白石云是錢王禁中物上作如來捨身相飢鹿為餓席紛  
相向沾起靈山受記時龍天帝釋應惆悵形模遠自流沙至鑄出今回  
更精緻錢王納土歸京師流落多在西湖寺錢王本是英雄人白蓮花  
現國王身蛇鄉虎落狗脚朕何如紅袍玉帶稱功臣天封拆開即退聽  
雨浙不聞笳鼓競歸來佛子作護持太師尚父尚書令一枚傳到白石  
生生今但有能詩聲同袍秦外銘師兄哦詩禮塔作佛事同喫地爐  
山芋羹何曾熏陸綺淋供但見相輪銅綠明哦詩禮塔猶未畢蘆葉  
低飛山雨溼

喜生拍板宣孃笛唱賺勾闌盡有名薄媚六公官本外

新添三笑月中行

武林舊事丁未季撥入勾闌弟子票唱賺色施二孃時春春時住住徐  
勝勝朱安陳伴伴等又陳宣孃笛唱賺喜生拍又官本襍劇段數爭  
曲六公鞭帽六公王子高六公崔護六公鶯鶯六公女生外向六公請客  
薄媚錯取薄媚傳神薄媚鄭生遇龍女薄媚柳毅大勝樂霸王中和  
樂夢巫山彩雲歸風花雪月鬢宴瑤池樂夜半樂鬢王崇道休妻李  
勉負心鍾馗鬢王魁三鄉題盤孝店休秀才下醋播風流樂三笑月  
中行案其名甚多駢播二三於此此即元人院本所自起也

解黃水不產西湖和樂樓前妓喚酤借問風流趙夫子  
郎官還似酒監無

清波雜志泰州雪醪著名惟善用州治井蟹黃水紹興間呼匠至都  
下用西湖水釀成頗不逮吹劍錄趙鞅監昇陽宮酒庫北使至問  
趙夫子今何官館伴問何人曰趙鞅其皇帝清問下民賦吾州後生以  
為矜式呼趙夫子館伴曰今為郎官即日除司封郎中夢梁錄南庫  
元名昇陽宮煮界庫在社壇南新界庫在清和坊南酒樓扁曰和樂諸  
庫皆有官名角妓設法賣酒此郡風流才子欲買一笑則徑往庫內點  
花牌惟意所擇

南人養馬不知名馬券傳來為習兵嘆息銷沉熊虎氣  
八哥空策蹇驢行

香溪集南人習水而便舟不熟銜轡雖畜馬無能名其駑若駿也  
金石林時地考杭州有宋刻馬券碑志城集陳孚鳳皇山詩故國盡  
銷熊虎氣荒山空世帝鳳皇形勿軒集賈相葛嶺行有云望塵拜者  
頌元老伊尹周公所不如豈知一旦事丸裂銀鐙鐵鑠載以驢

莫問仙巢何處亭雲濤尺五鮮人經鳳城歸去鍾聲急



紫水如霞冷翠屏

詞海遺珠宋理宗書仙巢吹香亭五字有詩云放鶴去尋三島客任人來看四時花亭為仙巢鍾尚書開居之地今碑在嶽麓山下蒼筤谷

海門樓櫓散煙塵空憶神州舊日春一自杜鵑啼不歇

高峰叫月有孤臣

治世正音甘瑾讀文丞相傳詩有云樓櫓海門西日暗劍歌江介朔風寒又甘瑾錢唐懷古詩神州未復英雄老王業偏安曆數連萬騎星也潮接夕六宮雲散艸生春天地間集家鉉翁詩曾向錢唐住聞鶻憶蜀鄉不知今夕夢到蜀到錢唐咸淳集湖上詩一望湖光鏡面予暮鴉過盡斷霞輕狂來飛上高峰頂跌坐松柯叫月生

駕頭不出簾垂晝魚鑰初開肅綺寮閒却蘇堤芳艸外  
游人題字上芭蕉

愛日齋蘇鈔駕頭舊以一老宦者抱繡裏柺子於馬一高廟時亦然今乃代以閣門官不知自何年研北雜志云故宋宮中用魚鑰降魚取匙降匙取魚古制也順適堂吟葉蘇堤詩參差臺榭無餘地襟沓輪蹄了四時梅屋詩稟正珠園詩芭蕉葉上題詩字雨後看來半不全餘溼未勝濃墨補且攜卮酒到花前

福巖水曲漾金沙靈苑清鐘客憶家香骨藏埋問逋客  
詩魂容與伴梅花

西湖淨社錄劉基福巖寺觀記仁和縣北三十里有溪曰義溪乃故宋嘉定中有陳氏名向者虛廬於溪上後搖身為淨屠名其廬曰福巖皇慶二季賜額為福巖寺亞思江浙紀行集小句題靈隱云幾因留我宿陰到五更鍾湖音高九萬拜林和靖詩玉函香骨老雲根占斷孤山水月村元詩體要徐秋雲詩憶別錢唐第幾春舜江春水落如雲小樓吟倚孤山月只有梅花可寄君漁溪集延祥觀詩御園自有逋梅在約束遊人莫肯開

難教騎項便為蓋意氣冲霄吐白霓誰道閣中頻賜酒  
那知膝底著留犁

瑯琊代醉編朱子云舉世無忠義氣忽自施全身上發出來此論之慰忠  
魂於地下矣續綱目書施刺秦檜不克而死亦本文公遺意近有人曰  
今之岳廟鑄像鑄于門外亦當鑄施像坐於檜上持刀斫之庶為得  
也野客叢書秦檜自遣施全見刺之後常獨處一閣奴僕非召不得  
入會疾三衙楊存中成閔趙密往問名入款語久之言及近日表勲酒頗  
佳表勲賜酒名也各贈兩器自攜出室亦見駕馭之術朱子語錄秦  
太師死高宗告楊郡王云朕免得膝褲中帶七首何孟春曰縛膝下褲  
腳今日婦女下體之飾豈當時男子亦或著膝褲耶騎項見漢書

蠡篆初來出野田樂章親製貫奎躔還勞十八章親賜  
筆意何如玉潤妍

翰堂野史紹興五季春永興軍田夫段義耕得玉爾玉上於尚書禮部以為  
秦之傳國璽其文曰受命於天既壽永昌詔與禮部翰林祕書御史  
太常官驗定集議方員二寸半印文深琢如碑字皆白而地紅也字畫  
乃蠡篆也奎章錄光堯當內修外攘之際尤以文德服遠至於宸章  
睿藻日星昭垂者非一紹興二十八季將郊祀有司以太常樂章篇  
序失次文義弗協請遵祖宗故事親製祭享樂章自郊社家廟原  
廟等共十有四章肆筆而成睿思雅正文典瞻所謂大哉王言也  
中興紀事本末高宗以御書正州孝經賜秦檜檜請刻石以傳於後  
上曰世人以十八章童蒙書不知聖人精微之學因學州聖遂以賜卿  
豈足傳後耶書画眼思陵筆法其源出於玉潤帖

猶是飛來小朵峰細泉穿石響琤淙上人昔自稱湖隱  
拂拭殘碑看舊容

清江集天竺落菴堂記昔僧慧理自西域至杭以其小朵峰為自身毒飛  
來者即其地置繡經院後改院為天竺寺 玫瑰集觀冷泉亭放水  
詩冷泉淺濁使人愁開板橫波去不休峯側細泉穿亂石始知別是一  
清流 玄續記石刻有湖隱上人贊非俗非僧非凡非仙打破荆棘林  
透過金剛圍著毛廝結鼻孔撩天燒了護身符落紙如雲烟有時結  
茆宴坐荒山嶺有時長安市上酒家眠氣吞九州囊無一錢時節到  
來奄如脫蟬湧出舍利八萬四千贊嘆不盡而該偈言烏乎此其所以為  
濟顛者耶

碑版無如羣玉工後來世綵亦稱雄仙花發萼名書在  
猶記重翻入禁中

墨池編宋群玉堂帖所載前代遺跡最多韓侂胄刊 石蹟記世綵堂帖  
廖楚中刻 金壺記顏書如神劍摧鋒仙花發萼 書畫題跋記顏  
魯公劉中使帖載於宣和譜紹興中重進御

春艸江南賸一丘空堂餒鬼故園愁十洲春色重門裏

餘得春風舊酒樓

雙溪集南園詩花驄油壁隱輕雷消却冰山不復來墳土未乾為餒鬼園花雖好為誰開 北轅錄淳熙丙申詔待制敷文閣張子政充賀金國生辰使至相州聞閨繁盛觀者如堵二樓曰康樂曰月白風清又二樓曰翠樓曰秦樓時方賣酒其上牌書十洲春色酒名也或云韓魏公書錦堂今為一貴人宅石記猶在好事者叩門打碑不禁也 攬轡錄書錦堂尚存此人嘗更修飾之

假子清華第一班一飛何事不知還名孫死節留餘羨

難洗當初老鳳姦

雲莊四六餘話秦相子熇狀元登第李文肅賀啟曰一經教子素欽丞相之賢累月笞兒敢起鄰翁之羨秦甚喜之 齊東野語秦熇本王氏子熇素不悅熇畏內妾嘗孕其妻逐之生子為僊游林氏子曰一飛以擢故仕至侍郎兼給事中其兄一鳴弟一鶚皆位朝列曹詠嘗勸熇還一飛未果而熇死 金罍子宋史秦熇曾孫鍾通判蘄州金人犯境與郡守李誠之竭力捍戰城破鉅率兵巷戰復歸署自焚死子浚澤皆死奸臣之後一門死忠孝豈復繫其世類乎然熇無子以妻兄王喚子為後則秦氏世絕於熇久矣 詞林海錯宋時紫微舍人謂之小鳳翰林學士謂之大鳳丞相謂之老鳳 竹窗隨筆雁宕僧後身為秦熇居權要造諸惡業

海門蒼翠聳雙山忽起清風一線間為有潭沙三百里

牛車須避迅濤還

見潮論龔緒二山峙為海門故激而為濤今觀其洶湧却去海門之外非二山所為也 潮蹟潮之將來先以清風渺一線於天末旋隱隱而隆隆 浙江潮候圖說浙江之口南為龔山北為赭山謂之海門下有沙潭跨江東西三百餘里若伏檻然 猗覺寮襍鈔浙江風濤汎險人力不捷故近立諸堰以牛車舟而過

坊間墨本幾差訛更怪麻沙滅裂多自古文風闕世運

異瀾誰識是同波

聽雨紀談古人書籍皆手錄唐世始刻板至宋末而益盛麻沙至陋臨安坊間動輒刻板然而滅裂者衆矣 佩玉齋類藁五七言始於漢歷六朝而盛於唐至嬴宋而音調卑矣 同波異瀾用陸機語

三絃隔應琴書在八卦奇形古研留可與山家作清事  
何須更覓鬼功球

書齋夜話張炳炎咸淳辛未及第其父肖說為大理評事嘗與徐南溪論琴謂諸絃隔一之應皆在十徽獨第三絃在十一徽此中呂之宮也南溪琴統玉譜其說本朱子 研譜周益公研作八卦形自為銘 家山清事林龍發著林為和靖七世從孫當理宗時高抗不仕人謂其有祖風 格古要論嘗有象牙圓球一箇中直通一窠內車二重皆可轉動名鬼功球宋內院中作者

雲氣鴻濛樹爪籬判教凡輩不容窺誰知天上春生曲流入金源總淚垂

畫繼米友仁被遇光堯官至工部侍郎敷文閣直學士日奉清閑之燕方其未遇時士大夫往往注可得其筆既貴更自秘重雖新舊亦無緣得之衆朝曰解作無根樹能插濛濛鴻雲如今供御也不肯與閑人享季八十無疾而逝 王氏畫苑米友仁畫樹作爪籬筆 中州集吳彥高米友仁之婿會寧府遇老姬善鼓瑟自言黎園舊籍因賦春從天上來詞後三山鄭域從張貴謨使金聞歌此詞

當壚鬼女貌如花細雨輕風漾碧紗聞道雷壇且覆蛇怪陰池誰遣誤金蟄

楮記室宋吳宰撫州人於臨安聽調嘗飲酒肆一賣酒媪故人妾也吳呼問妾引至閭處語曰吾死雖為陰司所錄今賣酒於市今市上十之

二三皆鬼也言訖不見 小窗自紀宋時法師鉢貯白蛇覆於雷峰塔下文園湯語西湖十景有雷壺夕照 楮記室魏鶴山為參政一日留史教授宿館中夜忽有兩鬚乘燭出迎云參政有請史隨入有頃鶴山出不見史令編尋見在池塘中半身沒水問其故則曰了鬚引至一大屋綠衣人指以小女為妻今夕成禮不知在水中次日令乾塘有一蝦蟇大如斗小者四五而已

故人相對泣紅妝一曲清歌欲斷腸雖少霓裳陪鳳輦不教下色等廚爨

行營襟錄豐有俊字宅之登青樓偶見小倡疑故女累目之酒罷女入曰豐官人識妾否詰之果故人女也曰汝且退豐與臨安尹有契明日以白尹且云其僕有錢百千從公更貸二百千嫁之尹嘉其誼即取入府厚子廩具擇良士嫁焉 又朱熹本武臣常為內夫人妹內官弟婚啓理廟之夫加官異特言授官至參知政事具啓有令弟從長亦世近龍光 楮記室魏鶴山為參政一日留史教授宿館中夜忽有兩鬚乘燭出迎云參政有請史隨入有頃鶴山出不見史令編尋見在池塘中半身沒水問其故則曰了鬚引至一大屋綠衣人指以小女為妻今夕成禮不知在水中次日令乾塘有一蝦蟇大如斗小者四五而已

揚柳新塘裊碧絲便娟歌舞泥人時東風過了花飛盡  
不及銷魂有粉兒

湖海新聞德祐太學作百字令云真箇恨終東風幾番過了不似今  
番苦東風謂賈似道也新塘揚柳小腰猶自歌舞謂賈妾 宋季三  
朝政要似道盡聲色寵妾葉氏本淑妃宮人也潘氏倪氏妓也 詩詞餘  
話詹天游名正字可大風流才思不減昔人故宋駙馬楊鎮有十姬  
皆絕色有粉兒者尤勝一日天游宴盡出諸姬佐觴天游屬意於粉兒  
口占一詞有不曾正個也消魂之句楊遂以粉兒贈之曰天游今日正個  
銷魂也後為翰林學士

玉瓢小印宛如初散佚重窺旅館虛一帖硬黃留健筆  
人間猶識瘦金書

洞天清錄徽宗御府所儲書其前必有御筆金書小楷標題後有宣和  
玉瓢御寶淳祐壬寅於臨安客舍見永嘉一士人藏一法帖乃唐人硬  
黃微右軍書前有金字御筆云王右軍書長者帖後有宣和玉瓢樣  
御寶 書史會要徽宗行艸正書筆勢勁逸初學薛稷變其法度  
自號瘦金書

寒食平章上塚回集賢堂下獨興哀駭兒不解歲書畫  
可見吳興向氏來

詩話雋永賈秋壑於德祐元年寒食上母墳回至集賢堂作詩云寒食  
家家插柳枝戀春春亦不多時兒孫只解花前醉青冢能消幾箇悲  
豈非亡國之讖按西湖志引此詩不載上墳事且後二句作人生有酒須  
當醉青塚兒孫幾箇悲亦與此異 癸辛雜識吳興向氏后族也三世  
好古多收法書名畫有名公明者駭而誕長城人劉暄多能伎僧登賈  
師憲之門言之賈公賈大喜因遣劉誘以利祿遂按圖索駭皆六朝神  
品

明兩為離是普安玉觀音進北朝官蕭森佛火松雲裏  
度廟龍姿繪像寒

聖德事迹孝宗為建國公初育於吳婉儀丁丑制建國公封普安郡  
王季十六時日者尤若納秘謂秘書省正字張闡曰普乃並日字合  
乎易所謂明兩作離之象殆天授也 楮記至宋孝宗擊手球馬偶傷  
一目金人遣使來慶壽以千手千眼玉觀音為壽蓋寓相諶之意上  
命迎入徑山 暖姝由筆杭州集慶寺有紙軸度宗小像

泥金帖子報新名書上綸扉有品評春日桃符非麗句  
十季而已誤公卿

說略報新進士謂之泥金帖子始於唐至文宗時革之宋則復用 碑史  
洪平齋新第後上史衛王書自宰相至州縣無不指撫其短大槩云  
昔之宰相端委廟堂進退百官今之宰相招權納賄倚勢作威而已  
凡及一職必如上式未俱用而已 二字時相怒十年不調洪有桃符云未  
得之手一字力只因而已十年閒

玉樓簾捲見梅魂催賦清詞月一痕照水圖開天水碧  
露桃脉脉總無言

海野詞坤寧殿得百次韻賦照水梅花調鷺山溪云催花小雨輕把香  
塵洒簾捲水亭風梅影轉夕陽初下靚妝窺鑑鴛鴦飛湛清漪浮暗  
麝射前芳瓊消得連城價玉樓十二寒怯銖衣掛曾是綠華仙眷餘情  
新詞如畫花隨人聖須信世無雙騰鳳吹駐壑壘與堪與瑤池亞  
江村銷夏錄宋馬和之有照水圖 林下清錄宋顏方叔製諸色牋  
有杏紅露桃紅天水碧俱有花竹鱗羽精妙如畫

中興為有求賢詔不取金桴發玉函雪下天門空洒淚

有人側岸看千帆

新定續志有紹興求賢碑 鹿皮子集樂雷發宋理宗朝特科狀元  
春陵人對策有曰求天下之士以文不若淑天下之士以道樂著雪磯  
業蕞 雷溪詩選題宋度宗熙明殿古墨詩蚤晚扁舟適吳越為君  
揮淚天門雪 能改齋漫錄任惇夫紹興間有聲太學子後坐上書入  
籍籍留落者久之有投時相啟云籠中翦羽仰看百鳥之翔岸側沉舟俯  
閱千帆之過

愛他十里清涼國吳越江分指顧間白骨難為補天石  
太行久已不能山

解頭詩話宋行都西山多寺觀鐘鼓相接故楊廉夫詩云入山十里清  
涼國三百樓臺迤邐開 南溪詩話程泰之攷古編云到江吳地盡隔  
岸越山多此吳僧白塔院詩也后山在錢唐亦有句云語音隨地改吳  
越到江分即用其意 岳忠武遺事元韓中村拜墓詩末云我恐精  
忠埋不得白日英魂土中泣朽骨斷出荒苔痕獻作君王補天石 楮  
欄集靖康迎駕詩有云南渡黃河如履地東有太行不能山

番犬信信給賜多金鈔不動臥晴莎心知不愛春林牧  
休寫歸牛緩下坡

南宋相眼德壽宮發下番狗五十隻禁中留其三餘賜內侍 每鳴  
集題李于通畫犬詩護兒偏吠客花下臥晴莎莫出東原獵春來乳  
兔多 大江州堂集陶次子風林放牧圖跋樹木離披老牧掩面支  
策牛獨舉首掀鼻向風 嚴氏書函記李唐放牧圖 澹圃画品李  
唐三生圖作牛背牧童李源欠身指之 東圖元覽李唐春牧圖  
牛欲前行童子力挽之 案以上皆南宋畫院人

梅花細嚼傷山居佛粥齋齋出定初愛筍顛師能濟物

碧螺無尾半焦魚

柳塘集西湖除夕詩又來上國看新元細嚼梅花燕冷泉按道璩字  
無文宋南渡饒州詩僧 山家清供一日過靈鷲訪僧蘋洲留午粥  
甚香詢之乃齋齋花也 又齋頭筍蔬云拖油盤內燻黃金和米鑊中  
煮白玉 永興寺志錢唐西溪永興寺唐正觀三年悟明尊者開山南  
宋時濟顛壘石為女樂橋當水噴處歸然獨存村民食螺已斷尾顛乞  
放也中遂活至今螺皆無尾 西湖竹枝續集徐楚詞云貧屨履古院半  
丘墟滿壘梅花雪渠勝有顛師功德水至今留得半焦魚

難尋雲壑巖中跡空見雲龕水面移誰憶東都金世界  
空傳祝聖到靈芝

翰林珠玉有題玉隆宮所藏宋乾道宸翰雲壑二字詩 南湖集西湖詩  
有云美人具清醮書舫如雲龕浮游六橋間水天遙共涵 宣政錄錄  
徽宗遜位前一年中秋後苑賦詩云日射晚霞金世界月臨天宇玉乾坤  
次季金人入汴亦先兆金世界也 廿六隱橫舟葦祝聖所拈香詩幾度  
來游幾賦詩又因將命到靈芝三呼祝了君王壽偷眼湖光立片時

一泓寒碧雨連山乳竇峰前聽講閒最是觸鋤修苦行  
誦經松下鶴初還

臞翁詩集紹興壬子夏游龍井詩江湖醜兩股一泓乃孤危我愛秦郎  
記字壓頭陀碑 鄭氏聯璧集宋高宗自題畫古銅云萬木雲深隱  
連山雨未開 採芝集上天竺詩老樹煙蘿雨殘燈石塔雲 雪蓬稿送  
冲晦歸天竺詩西湖山下多奇石師去今遊乳竇峰遙想石臺登講罷  
野猿歸洞鶴歸松 暎車志臨安下竺式道者苦行脩懺置火鋤於像  
前日夜持誦經遠過像即以指觸鋤而醒之

逋臣前是老門生游戲清都一笑迎故國三皇廟猶在  
靈胥江上涕縱橫

曼山先生集上丞相留忠齋書友朋自大都來乃謂先生以賤姓名薦  
皇帝過聽遂煩旌招某乃丙辰禮闈一老門生也先生誤以忠實二

字稜之斷不敢枉道隨人以奪大君子知人之明又與魏參政書稱前  
宋浦播臣自皇帝游民謝某 夢蕉詩話文山之死為兵解脫屣濁世  
神遊清都 覆缺集杭州重脩三皇廟碑杭為宋故都以太醫院地  
為之立三皇廟 酒後集建興廟記東錢唐如雷如霆子胥之所且而  
奮也方盛時冠冕大者帝號小者王侯丹雘鉅麗凝於鈞天廣內今其  
故地黯然使人流涕

玉津鐘廢暗香凝 秘省銅缸碧水澄 喝道飯僧何所益  
香廚翠釜照秋燈

翠寒集有玉津園廢鐘詩 自娛齋集徐青壁使君置酒邀看南園署中  
宋梅按地即德壽宮後圃旁也 志宗雲集宋秘書省有銅缸焉積水  
生魚 皇華曲九里松詩松是山靈一手栽堯天長就棟梁材龍影再怒  
起春風急似怪遊人喝道來 靈隱寺志秦檜因風僧敲磬發心齋  
僧其大鍋現在雲廚

曲從自製盡堪師 雲影孤飛白石詞 羨殺王孫才思敏  
蓮塘惟有落花知

白石詞揚州慢暗香疎影並是自製曲 樂府指迷姜白石如野雲孤飛  
去留無迹 詞旨蘄王孫韓鑄字亦顏雅有才思學字詞於樂笑公一日

與周公謹泛舟西湖酒半公謹舉似亦顏學字詞之意翁指花云蓮子結成  
花自落

鐵綆沉來箭鏃埋 巾籠放鳥失安排 空饒紅朽豐儲積  
澤國圖安只自乖

寰宇分合志元末之陷臨安已隱然如伯顏之阜亭山而宋得以不喪者  
由其懸軍深入視元無分道之兵席捲北歸視元有江中之礙使舟再沉  
於鐵綆而策不獻於閩人則元末為籠中之鳥矣 自怡集錢唐詩箭  
鏃不隨錢氏沒黍苗還向宋陵生 清正集嘗會計豐儲之積約五百  
萬石多為備荒之用而大曲良每歲廩給止合用米一百萬石通計可支  
五年 本于忠定奏議備戰之策必擇形勝然後能制服中外以圖事  
業臨安平江皆澤國禍迫偏所據非用武之地也

宴開澄碧捧瑤尊 再拜彤墀笑語溫 日暮玉堂深處宿  
金蓮燭影獨承恩

玉堂雜記淳熙丁酉九月丙辰宣召侍讀進少保浩錫宴澄碧殿抵暮  
送以金蓮燭宿玉堂有廬上命作詩叙此會史進古詩三十韻

臨平山下藕風輕 軟軟鴻頭似雪瑩 聞道尚方新薦果



安榴猶自號金櫻

林泉結契鷄頭亦號鷄頭 天中記杭州號石榴為金櫻避錢武肅諱而起也

苔繞梅身半吐鬚洗鉛何必較施朱鬢絲禪榻歲春塢

猶有凌霄絡樹無

竹齋集西湖梅有素梅紅梅墨梅數十首 全芳備祖西湖歲春塢門前有一古松凌霄花絡其上蘇公嘗為僧清順賦詩今百餘年其花猶茂

冠上金貂氣象尊瘦髯誰與貌師垣夜光最訝雙眸少

賀啓中間欠片言

樂郊私語常氏有像一幅瘦惡而髯帶貂蟬冠上有贊曰佑時生甫同德既湯云云後題紹興壬申門下士魯瓌拜書檢宋苑茂明集有代賀秦太師畫像啟乃知是摘啟中數語為贊耳 偃曝談餘檜眼有夜光

朝中和議盡姦回錯說官家也好豈不使雙鬢同炭婦

春愁脉脉為誰來

吟擊集沈持正名樞紹興中參政和議成語同列云官家好豈不使雙鬢同炭婦約州樞一髮三數年歸嫁安子安吉尉米方壽以詩寄曰昔年單騎赴筠州見得歌姬共遠遊去日正且供夜直歸來渾未識春愁誰人尚有香囊愧道士猶懷炭婦羞銖石心腸延壽藥不風流處却風流

華陽巾子道人如樞院行行近大渠操履甚恭雖隱語

楊妃腳也駭程俱

揮塵餘話向宗厚履方建炎末為樞密院計議官美髯而若滑稽之狀裏華陽巾纏足極癯長於鈞鉅王侑公為戲之曰君唐明皇時四人合而為一何邪曰願聞之公為曰若狀類黃幘緙頭巾類葉法善脚類楊貴妃心腸似安祿山後程致道行其詞部員外郎告詞云汝佩服高古操履甚恭又似戲之 夢梁錄樞密院在南倉前大渠口

節樓西建靜干戈証果曾經過補陀羨煞明良慶會閣

一門六老共婆娑

兩航錄錄史高平為尉時王補陀見大士云文路公後身他時宰相官  
家要用兵須力諫活後兩授節鉞通歷三公壽八十九嘗曰吾口不言兵  
後必有為宰相者爾遠乃其次子 山堂肆考孝宗書明良慶會之  
閣六字賜史浩宋史浩詩熙乙巳掛冠年登八十女兄季八十二四弟  
又皆高年同氣至親舉觴相屬朱顏華髮咸壽而康繪為六老圖樓  
參政為之序

雨山霜鞠掩荆扉寓馬嗟西客到稀好事河陽張彥發  
芸居樓畔借書歸

馬嗟芸居嘉熙丁酉五月寓京曹燕橋房西馬嗟有寓西馬嗟詩十畝荒  
林屋數間門通小艇水灣環人行遠路多嫌僻我得安居却稱閒樽  
酒相忘霜後鞠一時難盡雨中山何季晚下浮名事只與四翁賸往還  
秋江烟柳有從陳宗之借書詩自從春去後少省出柴扉樹暗鴉巢  
隱簷空燕迹稀憶山隣有夢尚暑吟無衣案上書堆滿多應借得  
歸 案吳文英有題陳宗之芸居樓詞即睦親坊開書肆陳道人也

仁王寺裏熟黃梅誰識方泉杖履來更向九溪十平八  
澗臨流洗足帝青苔

方泉集有歸憩仁王寺詩重到拾提未覺遲鉢單初副袂衣時僧房齋  
院門門閉梅子枇杷樹樹垂蟻蔭經林求脫此龍纏佛座學慈悲  
長年無事閑來此坐對空山諷小詩又有句云九溪十八澗冷見帝青苔洗  
足僧書石臨流客放杯 案仁王寺在吳山南渡時建田志引薩天錫橫  
山閣詩乃在閩中烏石山之仁王寺謬矣方泉常居行都者此詩確是  
吳山之仁王寺也西湖北山亦有護國仁王寺

侍郎三覺困曹騰歇息牌懸客慣憎比較相公三照處  
裏頭日日近圓冰

雞肋集趙叔問為天官侍郎肥而喜睡又厭賓客常掛歇息牌於門首  
呼為三覺侍郎謂朝回飯後餘第也又云范見民作相方三十二歲肥  
白如冠玉旦起與裏頭曹中必皆攬鏡時謂三照相公 按趙范皆高  
宗紹興間人

鞠苗淪盞扶春倦花片浮苔怯曉寒御墨搜奇吟逸蝶  
嬌姿偏奈雨中看

花史洪景嚴遵和弟景盧邁登月臺詩云紫臺結閣兩爭華便覺流  
涎過麵車戶小難禁竹葉酒睡多須藉鞠苗茶 山家清供慮聖太后  
喜清儉令後苑進生菜必采牡丹花片和之又收楊花為鞦韆擅禱之  
屬 海棠譜尤宗御製海棠詩東風用意施顏色艷麗偏宜著雨  
時朝咏暮吟看不足羨他逸蝶宿深枝

門館遙臨南北峰卒章堂印日相從他季十萬軍聲亂  
洲上遺亡何處踪

黃氏曰鈔賈似道始生之日錢唐宰郭應酉以詞賀之云日長門館坐對  
南北峰之高時遊廟堂盡付東西廳之問東西廳見韓魏公傳若南北  
峰殆俗語耳豈一時阿其所好耶 兩浙名賢錄陳均字子公咸淳初  
除檢正會賈似道以卒章奉母居湖濱欲以堂印自隨均爭曰堂印  
無出城之理由是免官 三朝政要賈似道集諸路軍十三萬屯丁家  
洲我師之敵十三萬軍一時潰散督府之印已失奔入揚州

德壽宮姬取次娛大劉宣過小劉呼夫人更得十千餘  
輩不數宮中有玉奴

朝野雜記德壽妃嬪劉如臨安人入宮為紅霞帔後拜貴妃時有小劉  
氏者入宮轉宜春郡夫人進婕妤皆有寵宮中號妃為大劉嬪子婕妤  
為小劉嬪子德壽宮又有信安趙夫人咸寧蘭夫人卒樂王夫人咸寧  
郭夫人新興陳夫人富子孫夫人縉雲蔡夫人南平張夫人齊安張夫  
人安定李夫人此十餘人並無品秩紹興中又有馮美人韓吳二才人皆寵  
幸吳氏名玉奴中宮近屬也 南宋相眼內東門司淳熙十四季準德壽  
宮提點傅太上皇帝聖旨才人李氏王氏並放令遂便其告命四軸并  
才人李氏從人紅霞帔宣一十道紫霞帔宣聽宣各二十道並降付內

東門司才人李氏王氏告紅絲綢鍍金銀鐸鈴紅羅銷金袋全齊女部夫  
人順政郡夫人告紫絲綢銀鐸鈴錦袋全紅霞帔宣九道李惜奴陳來  
兒等紫霞帔宣二十道藍合兒藍福福陸小美趙九嬪譚強兒譚小郁  
等聽宣二十道陸閨兒元冲淨淨等

舊碑遺字得雙行聽說西霞浣古香自奉宸居標禪帖  
神光難掩在宮牆

蘭亭考一修城所得本前有薛稷書兩行十八字後高宗取石入德壽  
宮王仲信跋云此本西霞老道士云長安政和中修故宮掘地得此其精  
神鋒銳出正定本上 又蘭亭存高宗所御宸翰題曰禪帖

鬻薪醜語竟能堪異日華班抱隱慚鳳閣裁同妃子笑  
西風已駕逐臣駢

三朝政要呂文德安豐人魁梧勇悍常鬻薪城中趙葵於道傷見其遺  
履長尺有咫謂之或云安豐鬻薪人也遣使訪其家值文德出備負虎  
鹿各一而歸備見趙留之帳前在邊立功遂至顯宦 黃氏曰鈔呂文  
德起土豪似道始結之為大將官至保傅然文德愚鄙小民不識字每  
伴痴好無禮士大夫似道既入相文德高醜語罵似道不敢怒至郡不肯  
禮先聖祭先聖每云不曾教我識字 宋史紀事本末賈似道以去

要君帝拜留之江萬里曰自古無此君臣禮賈忌之帝常問古人姓名似道不能對江從勇代對王夫人稍知書帝語夫人以為笑賈益慚怒遂逐萬里

南荒一逐使人愁  
林氏油杉蚤見收  
遷客墨痕蕭寺壁  
相逢生怕唱杭州

癸辛雜識林愈樞存儒久為賈相所擯謫之南州道死於漳有富民蓄油杉甚嘉林氏子弟求為棺而價穹不可得因換其木曰收取取留與賈丞相自用至賈相於木綿菴郡守經營竟得此木以歛可謂異矣正藏書似道貶循州鄭虎臣請行時侍妾尚數十人鄭悉屏去奪其寶玉暴行秋日中令昇轎夫唱杭州歌以謔之辱之備至至古寺中壁有吳潛南行所題字呼似道曰賈團練吳丞相何以至此賈慚不能對

雁足書傳紫塞長  
只收鄴丸貯歸裝  
忠宣不愧蘇卿節  
未賜洮瓊御筆光

容齋續筆先公自燕歸獲二硯予為銘建安者曰鄴丸所範嘻其是耶幾九百年來隨漢槎萍爾筆鋒肆其流葩固實寶此以昌我家銘興和者曰元魏之東狗脚於鄴吁其丸存亦禪千劫上林得雁獲貯歸笈玩而認之哀淚樓睫談齋宋孝宗賜周必大洮河綠石硯有御筆洮瓊

二字

鞦韆庭館賞花王  
三殿清遊樂未央  
唱得舞楊花曲罷  
天香飛滿萬年觴

貴耳錄慈寧殿賞牡丹時椒房受冊三殿極歡上洞達音律自製曲名舞楊花命小臣賦詞俾貴人歌以侑玉卮為壽詞有云正鞦韆庭館風絮池塘占東君誰比花王

玉輅鐫成玉篆牌  
貓兒捕鼠對原乘  
執綏官亦何為者  
孤負梯緣向御街

三海乾道六年復用玉輅玉輅有執綏官備顧問有牌篆玉輅二字以玉為之三朝野史理宗祀明堂徐清叟為執綏官王百問曰貓兒捕鼠如何答曰愛之欲其生惡之欲其死理宗本命屬鼠一時不覺觸突上亦不之答玉堂雜記玉輅執綏官從旁用小梯攀緣而上

聖節趨班禮數殊  
紫宸殿下效嵩呼  
南廊細認髹牌字  
若個無因入御廚

程史瑞慶節上壽紫宸殿百官皆賜食余待班南廊老兵持二條牌至金書其上曰輒入御廚流三千里

吳鹽如雪繞場堆亭戶攤錢晝不開昨夜東風駕濤上

石塘堅罨莫崩摧

天下鹽法志浙鹽自宋時濱江設立亭戶計日課斛支給其法統於轉運使地理指掌圖宋時沿江置捍江軍東風濤上尤加警備海塘記序海塘自錢唐以抵鹽官每為風濤所崩塌故沿江設備守茲土者時寄慮焉

場屋誰居第一流柱間小紙亦堪羞不如買却巾箱本

啜啜爭鳴語蚤休

四朝聞見錄慶元二年考官葉翁發策首篇士愕莫知對莫子純以小紙帖所出於柱間士皆感之是時舉子不事記誦專習於空虛之談射策中至有心有主啜啜爭鳴之語識者固已患之鼠璞今巾箱刊本無所不備嘉定間從學官楊璘之奏禁毀小板近又盛行第挾書非備巾箱之藏也

酒龍詩虎葛長庚跣足時時自在行太乙宮中因詔館

一朝飛去入蓬瀛

武考山志白玉蟾本姓葛名長庚嘉定末詔徵赴闕對御稱旨命館太乙宮一日不知所往海壖集賀新郎詞昔在神霄府是上皇嬌惜便自酣歌醉舞來此人間不知歲仍是酒龍詩虎

老卒曾經百戰場韓家弓樣獻高皇為銘克敵成功處

邊鄙人多號鳳凰

揮塵後錄洪景伯兄弟應博學宏辭以克敵弓銘為題洪惘然有巡鋪卒曰我本韓世忠部卒目見有人以神臂弓舊標獻於韓韓令如其式制度以進賜名克敵又謂鳳凰弓私簡錄和說以陰為右武大夫威州刺史上制勝強速弓云龍破堅三百步外號為鳳皇弓三朝北盟會編金人犯水州都統制李權用克敵弓射知之

江湖自古有攸分綿纜牙檣何地乘水勢錢唐居第二

韜光東去望西興

入越記淳熙元年八月步楓江上俗諺云第一揚子江第二錢唐江第三楓江蓋言其水波之惡也青山集和楊公濟秦皇纜船石詩秦皇兩

觀海以名於樓船錦覽已無跡蒼苔昏暮煙 南歸日記初至靈隱求  
所謂樓觀蒼海日門對浙江湖竟無所有至韜光了在吾目中矣  
名山記內載袁宏道西湖雜記余始入靈隱疑宋之問詩不似及登韜光  
始知蒼海浙江湖雜記木數語字字入畫古人正不可及矣 端予詩  
萬韜光蒼詩谷鳥與我言怨殺白太傅借問何以然攜却山僧去世間  
萬事誰能終一寂竟東江起煙霧 西湖竹枝詞僕任西湖日愁郎船  
只在東江頭憑誰移得吳山去湖水江波 處流 毛先舒西湖不通江  
辯云案舊志云西湖故與東通設也田學使汝成嘗辯之然未能了了按  
水經註浙江至錢唐縣又東經靈隱山下有錢唐故縣靈隱去江已遠  
然山川之名古今屢變或當時靈隱山直抵江干俱名靈隱猶言吳中亦  
稱會稽浙江亦稱廣陵耳若以駱賓王揚巨源之詩為徵靈隱山至絕  
頂何嘗不可觀日對湖楊詩義亦然又西湖南面稍近江而尚有慈雲  
萬松二嶺大山隔之他處去江更遠古必無湖通江之理也

臨安客子動春愁細雨無人深巷幽官吏打門驚午夢  
清風終憶十三樓

橋潭詩葉臨安樓詩過了燒燈望燕歸春寒剗地勒芳期杏花深巷  
無人賣細雨空簾盡日垂 文獻通考店宅務掌管官房邸舍 默  
堂集昔年曾到十三樓一月西湖十頃秋寒碧軒中取宜暑者只緣修竹  
近清流 一統志大佛寺有相嚴院為樓者十三間

九經墨義盡敷陳鏤院深沉聽鬼神試帖不因公薦外  
郎中先報易官人

宋史凡九經帖書一百二十道對墨義六十條 又命士應舉謂之鏤廳又  
臺閣近臣得薦所知之負藝者號曰公薦 夸堅志士人赴試臨安郎主  
人夢報榜人至云此店有易官人及第明日以告長沙郡故多易是時  
獨無春陵義太初歷數諸人用易經應詔者惟已一人私自喜果登科

酒器新翻日日忙王家孽子習文章水晶宮裏榴皮老  
虛說東林送渭陽

齊東野語燒性蠹駭日治酒器書畫 揮塵餘話秦燻本王喚孽子嫡  
母鄭妒燒性蠹駭日治酒器書畫 揮塵餘話秦燻本王喚孽子嫡  
及樂府時樽當國喜釀用騷人墨客文飾太平燻亦好詩除敦儒鴻臚  
少卿談者謂畏避竄逐故其節不終 萬曆杭州府志李執遷將作監  
檜屢遣子就學于執曰吾為天子卿監豈為宰相教子遂乞外 雲麓漫  
鈔秦伯陽送其舅子道知湖州詩暫別甘泉豹尾中 嶺仍駐水  
品宮文昌地禁論詩少無聲 音簿領空可但 黃官共理便應頰謝  
與同風飽聞回老榴皮事試問溪頭鶴髮翁說者謂呂仙常到湖之  
東林訪沈東老留詩既而登東林寺於壁間以榴皮自畫其像人初不  
知及秦詩出觀者不絕

遺都莫謾溯繁華椒壁觚稜半土沙節用愛人題石在

城頭夜月照飛鴉

烏藻集序錢唐為前代之遺都風氣清美有山川臺榭之勝魚稻茶筍之饒民習侈巧屋宇繁麗而歌管之聲不絕於西湖之上故仕者尤樂居焉 元詩類選杜璵弔故宮詩月上觚稜椒壁溼鐵鳥啄碎琅玕石劫灰飛盡海揚塵廢殿荒臺土花碧 西湖竹枝續集黃周星詞節用愛人猶勒石風流誰是老平章按節用愛人視民如傷八字石刻在寶石山足相傳為似道書也 大明風雅廣選劉基題白塔寺物換星移事已迷從來此地惑東西可憐如鏡中天月獨照城烏夜夜啼

產閣先期報設排胎衣裝畫寶瓶埋洗兒錢果多珍巧

聞道中宮日隋懷

容齋四筆車駕都錢唐以來皇子在邸生男女則戚里三衛皆有餽獻隨即放答自金帛以外洗兒錢果動以千數合極其珍巧 武林雜事宮中誕育內司奏排辦產閣令太醫預直供畫產圖方位合用藥材催生物件醮醑沉香酒催生海馬皮裝畫胎衣并檀香匣盛唾銅刺刀

六龍巡幸護天神畫到通靈果絕倫鱗甲之而飛動處

不知誰是點睛人

夸堅志西北士大夫多挈家南寓相率建黃籙醮就天慶觀設位父老鄭圓持水龍布帳展挂於堂中陰風振動燈火俱滅坐立者毛髮寒從皆舉體森顛巫命捲還之帳不知何人所畫其神如此 宋元通鑑淳熙十四年以久旱頒畫龍祈雨法 案天慶觀在杭之吳山天慶坊

徒步宮人盡出降滑臺昨夢語猶懽丙丁已是留龜鑑

頭白金姬夢此邦

靖康朝野僉言靖康二年丁未二月初七日上皇與諸王后妃以下乘金銅車子詣北營內人宦官多相攜步從 昨夢錄紹興辛巳省元劉德廣語及余所生之地曰滑臺 戒菴湯筆理宗淳祐中中書省奏名臣柴望衢州人撰丙丁龜鑑言丙丁未自古多變厄凡二十有一為十卷 余姬別傳李嘉謨以部發歲運至元都夜對月歌曰萬里倦行復秋來瘦幾分因看河北月忽憶海東雲夜間鄰婦倚樓泣者明日訪其家此婦泣曰客非昨夜悲歌人乎此亡宋昭儀黃清惠寄汪水雲詩我亦宮人金德淑也昭儀舊同供奉極相親愛今各流落異鄉彼且為泉下人矣 潛齋集 杭州詩相逢柳色還青眼說著梅花總白頭

表章正學有津涯何事禪房葬艷娃至竟遺民瞻太保

龍顏曾寫郭蕭齋

史纂左編宋自理宗繼統首黜王安石孔廟崇祀升濂洛九儒表章朱熹四書丕變士習廟號曰理其庶幾乎七修類稿宋理宗像在集慶寺南歸日錄集慶觀理宗舊像意制衣寒儉然行筆樸雅絕不類傳粉大家宋季三朝政要理宗資貌龐厚子號為烏太保太平清話宋理宗御像郭蕭齋所寫

弓手兒童貌不羣狀元甘雨掃妖氛熬頭果見舒龍爪

觸石拏開白白雲

本野志汪應辰本玉山縣弓手兒喻子材為尉授諸子學有兵云汪兵子可學喻呼視之狀貌奇偉出對試之曰馬蹄踏破青青草汪對曰龍爪拏開白白雲宋史趙鼎為相延汪應辰於館塾紹興舉進士第一歲早鼎命禱雨即應人謂相公雨鼎曰不然狀元雨也

為有奇才待至公炎荒草木蘊隆風早知名以青雲累  
羞煞冬青哭野中

宋詔令寶祐四年陳顯伯為考官詔云爰東儒官董司文柄議論端確者必忠於體國智略雄偉者必善於籌邊爾其決擇以成盛觀是年文



